

東維子文集



六

柳田文庫

文庫11

D 123

6



Faint vertical text on the left page, likely bleed-through from the reverse side. The text is illegible due to fading.

文庫11
D123
6

010190552980

010-12221

東維子文集卷之二十六

會稽鐵崖楊維禎廉夫著

墓誌銘

高節先生墓銘

先生諱侶字君友姓嚴氏子陵三十五世孫也嚴本莊姓
 以漢明帝諱易之子陵以高名著史冊耕富春山釣桐水
 年八十終娶梅氏西京書春尉福女生茂：生隆：生卓
 由是而降踰唐歷宋衍為四家甲家傳格為先生 曾大
 父澗玉大父自中者也俱不仕先生生而有奇氣讀書不
 為覓舉計從學鄉先生漢英賈公賈公得於復齋趙公趙
 公得于潛室陳公陳公親授于晦菴朱子此其淵源也貴



官至釣臺必訪先生勸之任則曰漢雲臺諸村任非不赫
赫今子姓無聞吾鼻祖去之一千三百有餘年而高風遠
韻與富山桐水相為峙流一矣必以任而首故某不敢願
為嚴子陵賢子孫足矣居家教授生徒有粟糧自甌越來
者宋相文小民容謝翺奇士也雪夜與之登西臺絕頂暮
酒慟哭以鏹如意擊石復作楚客歌聲振林木人莫能測
其意也暮年建沙社為會取晚而有信翺卒無子與社中
友買地臺南巽之築許劍亭憲使盧公擊其義為之書
嘗游錢唐借石塘胡公山村仇公過孤山醉林處士岳郭
至墓卒有勳于中皆二人曰某常時如此親必不安亟歸
及門遷有中天之別辭 踊氣絕者數回治喪祭二用朱子

禮廬墓三年不稅衰經不見賓客有白燕巢墳木事母益
虔母年哀毀成疾幾不起每至生旦服墨練哀慟踰它時
所居堂名以高遠取郡守王祕已釣臺書院語至順辛未
冬十月晦疾革呼其子淵曰吾年已踰六十不稱天奉祖
祠四十年復上田教養無忝吾死何憾平疇西地吾已買
諸官死必葬是遂遊越若干年為至正丁亥始克葬賢者
故事有易名門人黃廷玉等私謚曰高節復請諸郡守祠
於祖祠西小室娶黃氏宋榜眼進士黃蛻曾孫女子一淵
也越十年丁酉余以建德理官過釣臺淵從子謁祖祠遂
登雙臺訪子陵釣迹因酌高節君墓又訪臺南謝奇士塚
余為奇士立阡表明年淵持送玉所為狀來謁曰謝奇士

表于吾子若有待先子之行應銘法其待如奇士幸吾子
銘之遂銘曰

於古風颯乎胡可追千有百撰不畫厥岐不背厥馳賸
乎不知其後特我銘其人維高有填維高有填維遠有道

馮處謙墓銘

至正丙申秋余以建德理官道富陽抵友馮頤家頤伯仲
氏曰升與豫皆相次去世豫之子宣東襄前拜曰宣不孝
先子以早年沒外郎且六年未克葬今年冬其月日將附
吉峴祖墓次章先生哀而賜之銘庶先子不悼不百齡不
孝孤不無蓋覆余與頤為昆弟交三十年嘗銘其伯考父
考公考仁小公伯氏升余又銘豫尚思換筆即君名豫

字處謙宋承信郎僉嘉興府廳事從周孫集賢殿脩撰驥
從子承信君生三子長蒙沒次草次觀革以孝義式鄉里
外中書以義士旌其門義士生三子曰升曰頤曰晉觀生
二子一即君次仁君於伯仲居四喪喪父義士公撫之如
已子君友悌長氏不翅同母出一門數百指怡愉內
外無間言義士公值生日以饒君以里之困乏者勸分授
劉子曰惠君子君子得其福惠小人小人得其力利出者
祿反怨往者禍人公是其言又嘗謂人能羣者以分能分
者以禮義士公逝歲時月旦相其長氏必請合族綴食之
禮惟恐不友君為人高元剛直讀書通大義與人友尚氣
節痛遠烏習之支狀貌魁梧美鬚鬣達官要人皆折勢位

友之曰君固我朝人也薦之任則辭曰吾剛不能售以磷
吾直不能售以回薦者謝而止娶李氏宋朝劍知府柱孫
女一子宣也君服之戒曰瘠地民材勞也沃地民不材饒
也汝毋恃驕棄學便吾有沃地懼也宣力學訖為名士生
于大德己酉八月八日以暑疾卒于枕至正九年五月
十三日也得年四十有二銘曰

不厲而剛、不壘不橋而直、不跲不夫簡、等禽犢
欲然我信無不足天路中止匪不祿寄言持義聞者服
矧曰有子：式載長轂遊行續前蹟

姚處士墓誌銘

君諱椿壽字大年其先出唐開元宰相崇曾孫祕監合嘗

守睦因家為至六世孫為祕簿宗之宗之子三人一居峨
溪曰二府君是為君八世祖曾大父思晟登宋景定壬戌
榜進士第階敬節即大父潼翔宋鄉貢進士父元慶隱居
不仕妣王氏司諫其女君幼機敏不習聲兒長丰姿偉
持讀書輒了大義開樂育館舍聘海內名師儒教子弟及
里中兒君性端直平生無二言與人交始終見底裏于義
利曲直必嚴其下鄉鄰有爭者不直有司直于君得一言
即解去歲飢閭人之急惟恐弗及稱貸者久則焚券與之
創世濟橋峨溪工橋置亭歲五六月施茗飲饌粥予行者
行者不劫橋西古松篁萬立築亭名深靜又構層屋曰松
麓賢士夫往來必延致其中觴咏笑談至忘朝夕邦大夫

馬公薛起各道經桐廬聞君枉道過門以處士禮之之色
侯周古達都等皆嘗問政于君。必以利害中民數者鑿
鑿言之民便其言者甚眾晚勉其弟桐壽曰兄老病無官
情弟齒壯學裕必廁名仕版圖先其先桐壽因自奮北覲
得餘干校官君娶袁氏吉水教授其女也子三曰雋先年
次槃次采孫男四曰德元德想德祥德瑞君生于大德庚
子五月十三日没于至正癸巳十月十九日得年五十有
越三年十一月六月寔于桐君山北孝仁之原又一年其
子槃謁余理官次再拜泣曰先子介不樂仕無功德可書
然孝友行于家任恤行於里者不得文章家一言以示不
朽非先子不幸槃不孝也槃辱為先生徒幸先生賜之銘

按其客鄉貢進士魏鈞狀為之誌而銘曰

桐之岡岬岬桐之瀟秋。孝原一培山水相終是為城

溪姚處士之址

故處士馮君墓誌銘

君諱天瑞字通甫世居和州之馬江縣曾大父某本郡幕
府長曾祖妣黃氏大父某隱德不仕祖妣慶氏君自幼
警讀書不事章句務大義著屬文見人善必稱道不已見
惡則嫉之如仇試藝不售潛運于郡吏復自厭其隳莫之
習竟歸跡卒業于儒築草堂青山之麓日以書史課子招
延賓客為觴詠之樂兵興藩間以屢徵不應遊徽入境不
敢犯勇士門鄉里稱為李世之全人乙未夏六月以疾終

于寢榮年五十有九娶張氏先一年卒生子一人居仁由
帥府經陞調分水丞遷京兵馬女一人適同里汪晉再娶
華氏生子二人長居義後更名榮西京都鎮撫調神武清
軍衛知事遷華亭縣知縣次居禮未仕女一人適同郡鄧
英公生于大元元貞丁酉九月四日没于大明龍鳳乙未
六月二日時淮甸兵梗未得返故丘權厝周家圩之原戊
申冬合祔於北歸葬于邑東小山祖塋之次是年秋居仁
偕榮哀駢拜手雲間却次乞一言銘墓石且為孝子祿養
不得於事生而得先生大事於送終孝子孤之心亦揚矣
是敢乞銘于先生辭不獲為之銘曰
金以不祥躍兮璧以有用墜川兮嗟先生兮是為全人

喬山處士翟君墓誌銘

君諱德興字宗起姓翟氏喬山野人其自號也世居無為
州濡湏之巢縣曹大父某自巢遷和州之會山父福遂占
籍焉兵變君挈家避地滁州閏三月而沒藁葬全椒縣之
明山娶同邑司氏君沒四年後卒于太平州藁葬采石之
麓子二人長桂次清女一人滿兒適同里孫官桂以才名
簡知今 大子於南京授千夫長部落于同僉趙公征進
宣徽安慶九江等處以功升鎮撫清京城廣武衛百夫長
君生于大元大德甲辰歿于至正壬辰四月初五日享年
四十有九洪武二年桂遷柩于明山復遷妣柩采石合葬
於巢之翟家嶠而闕之原先遠日桂來拜手草玄閣次日

不孝孤生齒未下壯不幸天所恃又三年失所怙零丁孤
苦藉祖考澤得以遺名任版祿食于朝而三釜之養不能
一勺及親此不孝孤終天之憾也倘死又不得當代大手
筆紀其卒葬地所不孝之罪彌天何以自贖是敢行先生
從子明其狀以乞銘吾重違其情畀之銘曰

父溘先兮無以家叶母去棄兮又以遠於乎孝子之天
天曷呼淮之西兮江之東歸兮北兮北既同於乎孝子
之天天終從

又銘曰

玉韞兮火烈木定兮風危親弗獲兮莫予追匪今茲兮
我罹吁嗟翟氏之子兮我又何悲

淵默先生碣銘

至正十四年三月二十日壬午淵默先生余君卒既葬其
友及門人問易於會稽楊維禎維禎曰先生深靜而寡言
嘗自號淵默宜從曰淵默皆應曰宜其子安禮又先生門
人殷奎狀來請銘先生諱曰強字產莊姓余氏其先閩之
古田人十二世祖謁仕宋官至吏部尚書受知徽宗即既
徽宗手書余尚書祠額賜其子孫曾大父諱佑大父諱鄭
父諱興可皇武夷書院山長自號藍溪始居崑山為崑山
人先娶趙氏無子再娶陳氏先生初藍溪為李後姓李氏
至先生始復姓余云先生年十四喪父能自樹立極力于
學借習宮止歲趨國脈如老成人既長學通六經百氏博

貫精析退然不知有餘且善屬文根柢六經不淆異說其
書有尚書補註若干卷歲于家嘗為舉子業已而厭其剽
取傳註支蔓衍其言不足傳遠遂絕意弗為居一晦之
官叱咤之聲不聞于外迹未嘗一至庸貴官人門鄉人
盡聞先生然終身有不識先生為短長瘠肥者世壽五十
有二配潘氏生子二人長安禮次安禧女二人長適王居
欽次適許淵葵州向一里先塋之左葬之日朋友遠近必
至余曩來崑山與友者纔四三人耳今余亦老矣去年一
人卒先生又卒焉乎余尚忍銘先生耶銘曰
嫁之藟而飯藪之苑麟之靈而恭兒之困瑯鳴衝墮擇
地而淺吁嗟淵默孰云其塞

尚綱先生墓銘

先生諱德嘉字立禮姓衛氏其先渤海人七世祖文中宋
朝散大夫兼侍講始居錢唐六世祖上達大中大夫禮部
尚書又自錢唐徙華亭建炎初大中公從叔大中大夫禮
部侍郎肅敏危諱南渡亦居華亭五世祖棧倅職郎國子
博士高祖瑞標朝奉大夫衛尉少卿曾祖僑大中大夫軍
器監丞祖宗武通奉大夫資政殿大學士著謙入國初以
世官後授温州路治中弗就妣黃氏繼張氏男三先生其
長也在學不好狎弄就外傳日誦經籍數千言不選諸子
百氏靡不言究性孝厚慈誠晚年以風節自持失儂二十
有八年不二娶平居為於人倫恬於勢利弱冠時左丞相

公嘗辟為儀使君辭曰吾弗能為奴隸也宣慰羅公舉以
茂材授潮州路儒學正君又辭曰觸瘴毒以貽親憂吾弗
敢也自是不出戶庭者三十年布衣菲食以終其身每戒
其子曰汝不躬耒以耕佃人者及汝籍之食者宜予之以
恩汝從父縛佃以督運于解而木之運亦終不負汝識之
至正壬辰盜起剽州里解散者十室而九先生獨守祖考
室曰吾舍此將何之寇至吾有把室死先祠下耳其孝誠
之篤如此甲子春疾作其子謁醫却之小差忽曰四月九
日之夕吾當逝矣且曰汝父平生無以過人僅不忝所生
耳父書具在汝讀之為君子毋有失德玷吾世冑又母狗
世俗作浮屠事壞吾家法言畢而逝生至元二十四年丁

亥十月十七日卒至正十四年甲午四月九日享年六十
有八娶任氏中憲大夫浙東道宣慰副使任公仁發女子
男二長仁近次復孫男二皆幼以是月二十九日葬余山
之原距逝之六年仁近就哀哀來拜吾松次舍乞銘予曩
來泚以友兄先生先生逝保官俸不及走喪次業將啟其
墓與二三友私謚先生先生嘗自說尚綱翁宜以尚綱易
名又不辭而為銘表之墓石

曾子興若華元娶不更管又安世年不出死不兵仲統
樂志遺世榮陶子給力思必矜磋二兼德集以成清規
若訓貽厥仍我謚以綱夫何疑

雪溪處士邵公墓誌銘

予嘗客雲間雲間陸先生嘗稱胥水之南多世家邵曰陳
陸其尤也先生自其先館邵氏幾七世歷凡一百五十年
又云邵氏家老侍僮亦自高曾：玄皆世其職業祿養為
一家之世臣予求世家於近代三葉而不替者少矣矧六
葉七葉乎客有持先生狀雪溪公者抵予次舍為雪溪之
婿倪琦也以墓文為請即胥水邵也予欣其世澤為之
次而銘公諱彌遠字子猷自號雪溪有譜為康節公十世
孫也高祖宗穆流避兵大渡江至華亭遂家為曾大父德
隆又思听皆儒業教子以經術父天驥以易經中宗待補
國朝崇學選之就試入郡庠升賓序中居公待補君家子
也通五經博涉羣子史為文取辭達不喜雕繪身服朴素

亦不喜騎乘絕志仕官有勸之仕者則曰仕不在吾在吾
若孫耳常戒其孫之仕曰古之博學深謀而不過時者衆
矣今之過者大抵尸素腐而名已滅若輩其戒哉暮年假
佛老學洗慮輕財急施至飯沙門賑飢民無莫民依而聚
廬者無慮百十家所居四面大渠悉建石梁台園地第宅
之東風日佳時必移鷓鴣豆以燕悅其親守義塾于先規年
雖餘師生廩餼不輟廢也杜年喪偶憇閔子之寒弗維室
付妾御之慈愛者保不諸幼預營生域運精舍守以浮屠
而尊吾聖人像設其中嘗慕漢東平王蒼以為善最樂又
喜唐張公藝忍字為家法迎輯經傳言若以忍者為百善
百忍圖州里多傳之為勸性不嗜酒客至必與飲輒醉

醉輒放歌客亦無不樂者喪明者十年家事傳于家子南
時燕月會必至花竹間其本冠濟然傳儀亦濠然如
常時至正己亥夏病離閔月餘志子若孫曰吾逝矣永
訣不少亂或謂公直知宋滅為樂者儒而悟理者歎不然
乎生宋德祐甲戌殆今至正己亥七月享年八十有六娶
馮氏先率男一南也庶三應至應參應元女三孫五煥炳
燧經綸女孫八曾孫五垠垠垠垠子也麟煥子也是年
九月六日葬某坵生域銘曰
言有文行有副蒼藝之教做後昆歷年百五十而家有
世臣引壽及耄終弗亂神君子謂善之澤吉之人
故處士倪君墓誌銘

吳興倪處士名驥字子舉沒且葬已九年其嗣子璣猶涕
泣於其父之執楊維禎曰璣不幸早孤居喪無已聞先子
沒若干年又不遑以名顯而墓道之石又不及求文章家
者鉛重璣不孝惟先子隱德不仕其事業亡稱于世而人
之知者益鮮非吾子以其及知書之何以伸先志且蘇籍
後人耶維禎為文靜先生門生也先生處士之父某父事
先生遂與處士為弟兄處士銘何辭吳興之倪氏始顯于
兵馬監押某公至文靜始大處士自知喜讀書有遠志長
與先生自為師友研極名理非世儒所能解嘗走京師以
其所學干貴人不合即遂絕仕宦志人勸之仕則曰吾賴
先廬免耒耜勞苦得稱處士苦中足矣去家之北三里所

為毗山有園池花竹之勝先生且家舍其中處士時侍
先生遊息于此登山臨水或坐盤石竟日無一言忽有所
得則寫之於琴、不止又寫之於畫琴最善水雲遠意無
俗師趣歌節族畫亦有求工于人識者謂與今高吏部爭
拙法於海岳菴至正元年處士之生四十九矣忽謂家人
曰買臣五子當富貴吾明年五十當逝矣於是預為棺歛
奠埋之具明年果得疾告其父曰曠平生一言一行毋欺
暗室毋負于大人矣惟溘先於大人不克報罔極為終天
恨天實為之奈之何哉疾亟之日夕尚疏喪儀爾其子戒
勿用吳教俗樂問夜何其二鼓矣曰盍秉燭我坐令家人
勿哭遂瞑至正壬午九月六日也父文靜先生淵母鄭氏

男四長琛次肅次璋皆習舉子業女三長適閻元祿次許
適楊詠未行次在幼孫男一承孫是年十一月十七日奠
于烏程縣毘山塋之北銘曰

四十九已知非又知死生可知處士不仕非不時五十
焉用富貴為長苴之曲山之毘處士之墓藏于斯視後
不朽吾銘詩

元故陳處士墓誌銘

吳興吳淑吳公嘗以產王禮事余過余錢唐次舍談其徒
之好學者陳君善曰吳人師余數學子文猶君為義理與
父曰陳氏代以貨權其鄉君始興學擊、乎期輩古之人
端木生不學孔氏終貨殖耳此余稱其好學也敢以見先

生後余二十年過吳興而君與吳公俱已隔世無幾趙伯
陽氏將君之子嗣亨來謁銘因為之感而銘諸君名良能
字善之其先自陳武皇生胡之長興白石里子孫至今蕃
衍為君望姓郡城之南曰天老堂文地君之考德新號恒
齋者始徙居焉曾祖世昌祖曰裕皆奕世有德行君自幼
撫敏恒齋公意有屬執能先事承之公善而撫之曰大吾
門者必是子也長習國字學干祿于執政者不合即退閑
門讀書務求聖賢旨趣皆思吳公以躬行之要其言曰在
正心正則上合天理近當人情盡此之謂忠惟此之謂
恕時時誦習其語以自做吳年治生實業益裕後拓居之
北編廬宅一區蒔花竹設器玩奉恒齋公以老壽九袞乃

終君居喪水漿不入口者三日喪紀一遵朱氏家禮歲時
祀享極於精誠親所嗜好必具荐之緇黃淫祀皆屏去不
惑伯兄蚤世奉立嫂以禮事仲兄情好怡如撫孤姪恩摯
如子交友以信遇宗族以仁學與同閨諸老月為鄉飲以
相樂扁所居堂曰庸齋士友至者必款留臨詠以益不勒
君為人識高量弘兼善論裁不苟同不詭激鄉之人受其
言視其行以為則惟恐過差聞于君即有聞必陳誠勸止
故其卒也咸思其人而哭之生于至元二十六年己丑閏
十月二十日歿于至正十年庚寅八月十八日得年六十
有二娶施氏子男一人嗣亨孫男二人惟一習舉子業惟
讓尚幼是年十二月十五日葬于烏程縣三得鄉陳壩子

塢先禁之次用治命也嗚呼君考友儀于家忠信行於州
黨學不為詞章而究名理行不為虛譽而趨平常是無愧
于名齋且名處士者宜得書而銘之銘曰
學以遵所聞孝行于厥家叶言確而人允行果而人趨
祿則不足度有餘我銘其人後不誣

青門處士墓銘

予讀漢唐史至公孫述黃巢魯叟隱士如李業周朴輩至
於餘赤海而不免則格至鼎銘烏乎隱者之生亂邦幸而
免于歿官寺不卒卒為人所知乃致毒其身者此不亦可
哀已哉青門處士魏一愚氏無非任才魁抗者亦不知訪
其人矣而處士託于市門率澗而勿露越三四年以病卒

正寢後三月寇復至處士之廬與堞舍同燬方諧述業時
隱人之不幸處士何幸哉是宜錄其人書之不使與齊民
同殆也處士性醇懿親深恒怕外撓閉置一身密屋中如
處女然雖重客至不得面周親謁請或一見即送平日危
坐閱所蓄書九萬卷然無他至制作味其旨而已其言行
可為人勸者疏以示諸子兄積為若干帙處士生某年死
至正十六年正月七日也男六人女三人其孤本仁持其
友王謙狀來謁銘予在抗時識其人遂為銘、曰

世之否無全士疾以戕兵以死吁嗟青門如處子觀之
毀節之微卒完所歸木以上 木棺也出左傳

挽辭附

蘇先生挽者辭敘

公諱大年字昌齡西澗其自號也世家廣陵性剛爽元直
有碩學奇才不受公卿辟舉奉安音吐文辭翰墨權謀智
所皆絕出時輩至正癸巳兵興走徐州上大將軍天子
聞而想見其人嘗官編修明年廣陵陷涉江隱吳市門
又明年淮兵渡吳拜公市門起諸生句公誓一言振石鑽
萬命定伯休兵公即冠竹服辟力乞骸骨恣往還笠澤
松陵間別號林屋洞主庚子春扁舟泛三泖入宦城訪予
草堂問曰子聞誦十年起樓上第如春取物柰鼠輩方擲
偃日散死多得失子宜蹇且退又曰竟疽瘰內潰腹背潰
吾將與子杜酒俱臨贈先景鼎之耳癸卯秋于登天平石

壁入城見公大堂公出妻子

事棄黎園舊部東為予

留十月別明年詭抱橫山君貽余文二百十言奇語甚律
詩右未有知魁紀公者何知年定約邀大小雪七十二并
約未赴而公逝瀕終自著墓誌文告其子曰吾年近七十
無憾者缺寧武親 鋤龍山為喬宜中死誓耳烏乎公
夢矣九京不可作矣死之後若干日與公所遊成某陶某
周其相承祭于淞之干將山杪各賦挽者辭予辭曰

飄：蘇仙公浩氣凌八表 游戲濁世來 眼拍古今了

却上食戩台 下視燕支沼 遺書於世人 翩若鷲鳩矯

雙雷蒼翠開 清約隨空杪 高樓舊明月 照此夢皎皎

見爾林屋天 屋天夜如曉

東維子文集卷之二十七

會稽錢屋楊維楨廉夫著

書

與同年索廉使書

古者天子之於諸侯入其疆土地闢田野治養老尊賢後
傑在位則有廢入其疆土地荒蕪遺老失賢培尅在位則
有讓然天子之耳目不能遍觀而盡察也故每一州置一
伯焉以佐天子之耳目而行其廢讓得一賢伯而所統諸
侯不敢有侵虐之政無侵虐而民無有不得其所者此古
之賢伯係於時者重如是也今之守令古之諸侯職也今
之肅政使古之州伯職也守令之在位者恣培尅也賢者

夫也老者遺也土地者不治也而朝廷不知肅政者不察
問有一二自強於職土之所當慶者不得譽于左右則覆
得所讓是非皂白俱亂其真於是民有訴其冤者如訴于
父不得已而詣其所欲者如詣之於鬼神遂致民氣鬱而
不伸小則乖于一邑大者乖於天下長慮君子其不為之
慄哉伏惟閣下出身以天子之賜進士閣下之任官
以天子之寄耳目士有握把不得展布者以為不得其
時與地也今閣下之任得其時矣得其地矣而不以古賢
伯之任巡行州郡入其疆宜得慶與讓者不知所慶讓焉
民之鬱不知所伸焉則閣下之得其時者與無時同閣下
之得其地者與無地等而閣下之出身曾亦何優于旁岐

雜進之人入閣下之受官又何優於一州一邑之濫而勿
治哉某于閣下雲泥異途而名則同年也素官以來已無
意于時事而喬居鐵唐當北南之會人有自南來談肅政
使者之政歷如指掌聞閣下行部福與已若干日而父
老之望閣下未有所聞覆有所指議流言者亦可畏也時
吾同年故輒有布于閣下幸閣下察焉上有以佐明天
子耳目之寄而下有以闕塞南北行者之言也不恭幸甚

投奏運使書

某聞私門塞者公道達私事息者公事明公之與私陰陽
水火勢也伸道之公者無他能自屈其私而已矣伏惟閣
下清德茂望由臺憲表臣當監漕之寄乎兩浙臨政以來

事之損益因革悉涉用罷一以公為遺包直請謁無所容
枉竊私門塞矣持三尺平無點吏不得挽軌之私事息矣
私門私事一無以于甚之公屬宜之吏效職而弗欺江之
商海之民皆願出于塗而服役於其上大課連流宿垢刻
剗最稱一專除命遍下自官漕者來未之或聞也然而倉
塲屬吏厄通課者前後凡數十百人豈無是非枉直其中
朝廷遣使廉問而訖不得其是非之公何也私之不自屈
者公之不伸于天下也故其抱枉受抑之人咸願決之于
閻下者以公之道在閻下也其得脫刑禁與者部文符而
去者已凡數十人而枉之大抑之久則莫如某也某以父
憂去司令之職而司令之課曾無一二虧欠而更持文深

者猶枚蔓其罪不使其文符而去使公道不在閻下則吏
者之言或得以移聽公道而在閻下則更持文深之過也
或謂彼數十人之去勢力使之也閻下不以勢力屈公道
則或者之言又過也故某其不避僭罪輒敢自明一言于
閻下惟閻下察之使移之火者伸抑之久者奮則閻下大
道之公不以某一人而累不然或者得以其病公道閻下
其能亡所累耶惟閻下以大道之公自任有以絕文深更
之過而解或人之疑且以恕其自問之罪幸甚幸甚

上樊恭政書

某謹再拜奉書于大丞相公先生閻下某聞士有鼓琴於
汾停而釣書聽之曰美哉琴意在山澤而有廊廟之志夫

聲被于琴枯木之器也而意之所存聽者得焉而況士之意發而成聲。發而成文者乎萬一遇知己之聽則其洞見所在者宜有過于釣者之聽琴也已伏惟閣下以中州間氣出為當代之英不事舉子學而為天下文章之宗士之相指数于下者曰許天子而後有子姚子元子姚元之後而有子樊子而已耳士不志于見天人君子則已如百志也其不趨下風而求出門下者則其自棄者也某幸早職閣下於任公叔之門閣下佐司于中書時敬無嘗遣某持書幣不遠數千里請見閣下而以病不果行今閣下在行垣去某之居不百里也某嘗僕、趨下風而又以聞禁之嚴艱于見也則其惟有退處于野與田叟野老為

任耳然力不任負來而又竊食于吳教授市中兒以為妻子之養周年之士有舉某於錢唐與市之官使苟食于市猶勝于挾笑小兒去家僅一水隔猶勝于調邊數千里其相知無踰于同年而所舉如此則某之不受知於當世而切：於知己者之求蓋可知矣傳曰隱雷自天而昆蟲已听陰而在漢而柱礎先覺幾之先動於物類者如此某之於閣下懸隔若相絕而心動于閣下見于先覺則恒目睫之近故敢不以再進為瀆而懷抱所著曰平鳴集者二十卷古樂府辭者十卷謹上獻閣下蓋將托知己于閣下也閣下倘賜之聽覽則某之心所存者將有自為其不愈知音于汾潯者之琴吾不信矣謹書

上寶相公書

某謹再拜奉書於復齋司憲相公先生閣下嘗聞士屈於
不知已而伸于知已者過知已而不訕則亦與不知已者
等耳有本於此懷抱利器而以世之流言中傷不得與時
之君子者列必急于求知已非急於未知也急於伸志也
僕自棄官以終二親之養既終而吏部不調者十年然
十年之中服近文章砥礪廉隅未嘗敢一日叛吾教也世
之目謂英傑之士往往有不遠數千里考德問業于僕者
則僕又以目信決非明世棄才也僕所著三史統論禁林
已題余言而司選曹者顧以流言棄余謂楊公雖名進士
有史才其人志過矯激署之筦庫以勞其身忍其性亦以

大具器也枕口務天下之都務也俾提舉其謀而後徐以
清庶處之未晚也僕之不過如此屈於不知已者也士過
不知已雖孔孟聖且辨不能白於人矧又蔽以流言者歟
伏惟閣下以高等進士賜出身號龍虎之榜不二十年歟
歷清要為明天子耳目才賢所在雖仇必舉雖草野必訪
矧又屬知已者乎而僕未嘗伸吭鳴一言于閣下則仆之
自棄罪也僕在吳興時固嘗執筆以登載閣下之治績在
錢唐時又嘗借歐陽生以侍筆楮于閣下則謂之舊知已
可也久必待遠必致者儒行之言舉舊者如此什為閣下
也久去閣下也遠閣下在高要舉舊而不改儒行信其賢
而不信人之流言則僕之不避瀆而鳴知已于閣下者不

得免也庸自輒敢有布于閣下惟閣下賜之覽察焉則仆之伸于知己者在閣下而不在他人也決矣

代宋無逸上者都事書

去秋舉錢舜江伏承教誨與誘意甚勤懇若將推而納諸古學者之後公卿不接晚生久矣何幸親承其寵是以感激忖度至忘寢食思所以報知己孔子曰才難其始讀此猶以為疑以為人苟有志何才不可成矣難之有更涉七八載志雖不變而其學視之古人奚翅霄壤之殊然後知才之成信乎其難也蓋某自九歲知讀書陋邦之中無良師友詢習數載雖訓誥莫曉年十六歲去學更時家作益落先人沒七年矣十日請言行錄至范文正公事悚然如

有所發願如古人所以立志然猶未知所以用力今年春游暨陽從錢生先生學春秋方其欲往親戚謫其迂鄉里哂其狂率而楊先生遇之如骨肉不然不能一朝居也幸粗聞為學之方則循序漸進供其心而盜其功者為庶幾也以故絕去狂妄躁急之心掃洒一室寂寞自若宜五六年而才亦不知其成與否也自顧蓬蓬之家累從產薄生母年近六十悲嗟太息以某雖從事於學而不能略有所補於是奮不知恥面見公明嗚呼不有知己如明公者何以成其志哉某於明公其分甚遠絕一旦拜下風即謂可教心特之以禮其後數進見恩意彌篤伏語之曰人以貴盛而遊于卑汚者多矣生微賤而能卓然自立未必不至

貴盛也勉之哉某立志之近雖親戚不見聞而明公憐之若是則世之知己者未有深于明公者也遇知己者而不求所以自伸則與自弃者亦有異乎故復陳其坎坷之狀達于左右伏惟終曩日玉成之賜為之留意使上有以寬親之憂下有以安己之志得致其材之所進而無難成之歎不勝感恩之至罄意而言不覺繁委惟少垂察焉

與吳宗師書

僕讀傳至孔子稱老子通禮樂明道德之周遂師老子則知先王之禮樂道德老子者未墜而孔子師焉孔子師老子則老子道與孔子道弗殊且老子周藏室之史也又知其學有資於時君不徒五千言道德之述也後之道家

宗老氏太史公取其言約而易於事少而功多故西京賢君資之為南面之術而成清淨寧一之治其效不誣已造教者宗其傳而欲滅絕禮樂提仁義曰虛無可以為治吐納可以長生則吾未知其說也我朝抑黜百家尊上孔氏而老氏之宗仍俾其徒中教章以禪治化故今孔老氏之學並行而不爐火老氏之傳至後漢實為輔漢氏之術其數能使上之人恭己垂衣裳而治而庶類之繁幽而百靈之祕罔不從今而受職以驚動之古初之所無而實吾先聖師之所不能有也宜上又倣崇之呼為天人之師法屬國不得私懷劍章而俾得懷之王公大臣無不名而拜者而俾得不名不拜其恩隆敷吳人絕古之所無也天既

昌其身姓以壽其術必昌其徒以衛其道如今桂堂氏與
足下後先出乎其間蓋不偶然矣今 天子留志史學以
館閣之才為不足遣使草野以聘處士之良而於足下濶
去廉陛賜之燕坐訪問至道以及乎歷代圖史成敗禍福
之跡足下片言又足以了效可否雖一時稱良史才者不
能過比之鼻祖藏室並 有光矣傳曰學老子者絀儒
學儒學亦拙老子其儒者徒也孔子不能不師老子其其
敢絀老子而以足下之道為異而不資求其所至者歟其
蚤年以試藝上春官識足下於京師足下還山而其亦去
官又與足下會于錢唐湖上然未能獲一議論 交一文
字之往復近因足下高徒某南歸蕃陽庸是上淑孔子師

老子之原而知足下之道未嘗不悖者書之以達掌記惟
足下不以儒學為絀而有以先王禮樂道德之未墜者教
余則幸甚三火統辨若干言大尚觀銘仁清觀碑二通隨
此錄上不宣

說

鈍之字說

雲間郁生父名之曰銳請字於予予字以鈍之銳必鈍銳
不鈍養銳者摧矣三尺之鋒出削示人曰孰敢櫻我而敵
有折之者鋒不藏也鋒銳而藏于不銳其孰能禦我之銳
哉故曰銳以鈍養老子曰大辨若訥大巧若拙老子之辨
養於訥天下之辨莫能勝老子之巧養于拙天下之巧莫

能爭生之銳養於鈍則天下之銳莫能敵矣庖丁之刃十九年所解千牛而鋒若新發礪者何也其投刃於虛者鈍以養其銳耳鈍之勉哉以銳用銳二下有櫻之者以鈍用銳千牛之解者恢二乎其餘地也鈍之勉哉毋輕用銳

數說贈吳鍾山

予讀吾志觀趙達九宮一算之術其計飛蝗推鹿回冥某年月日時中之類其應如神公孫滕事之為師欲得其術而為此術父子不相授受也夫聖賢道學固有授受而術者之本雖父子不能相授受也學不難于聖賢乎松江吳鍾山以大九宮諸算之術鳴江湖間自謂其學傳之父竹所君竹所有傳之其父一峰君趙達父子不能傳其傳

而傳鍾山之傳祖父孫三世非其天授之性異於庸眾人速甚能之乎故公卿士庶咸知推尊其術而鍾山亦自閔其術不輕以語人余在姑胥時鍾山持助教字文氏詩來見予不知其能鍾山亦不言也余遊松鍾山又見余橫溪之上乃曰先生棄官已十年數盈十必變數豈有往而不復拙而不信哉截自四十九而往為余下著蓬萊之事其年日起某官某年日移其而某年日當調內某年日年來數事而先生已在水之南山之北矣余為之莞爾曰日中則移月滿則虧天地之恒數也進退盈縮與時變化君子之用數也故君子得時則義衍失時鵲起數之一定者在天而用之隨變者在人故君子以理占數也予徒能懸

吾以一定之數是能之乎用數之道不為數禍福窮亨者乎鍾山謝曰吾能知吾之所知特不能知先生之所能也請書其說彘循海而歸見予方外有道原衍禪師禪師靜閱物之盛衰而其所傳之道有不物之者在與吾不異也出余言以質之

余說贈天容子

客有夫容子者過余談弄富貴人之命曰某不道也而莫踰大老至某不仁也而皆達鉅萬不學無術也而官極隆品吁德之不勝乎命也奈何予莞爾曰甚矣夫容子之不讀書也予不讀郭先生之議北宮西門二子之厚薄歟則知命有亡齋乎德者西門子之達非智得也北宮子之窮

非愚夫也皆天也西門以命厚自務北宮以得厚自愧皆天固然之理也先生之言一出西門不敢言達北宮退而衣褐有狐貉之溫食穀有膏粱之腴蓬廬有廣廈之蔭華輅有文軒之飾終身自然不知有榮辱之在人在我也此德勝命說也夫容子談富貴人命屢矣未見譚德人之德浮于命者予游東州金華有鹿皮子武夷有清碧君會稽有梅梁道人皆窈而有隱德不願乎人之食肉衣繡連櫬之居結駟之騎者也子往見之識以吾言扣之其識德命勝不勝之辨已夫容子行書其說以去

析字說贈陳相心

析字之術原出于蒼頡而得說於子華子頡之制字象形

諧擊各有其義子華子於制字之破嘗推其說曰韋華雖
柔橫之則裂礦石雖堅攻之則碎以此知物之剛柔雖不
同而同於一也畫使字之高意義一一若是楊雄許慎之
說不亦聞哉永嘉相心生以拆字術鳴于公卿間其推原
禍福考索成敗亦既驗矣王亦能以子華子之所推之乎
子華子曰無數無有陰庫無形無有成虧生能泯其數形
勿使庫有陰之因成有虧之漸吾且許子得道於頤之初
而游于河未圖洛未書之天已字之制拆何有哉

神鑿說贈薛生

嘉禾相者薛氏以神鑿自命裝潢名公卿所贈鑿卷訪余
雲間以舍自乞一言余莞爾笑曰生知夫人鑿乎物之善

蓋若鏡右珠若鬆若雲若若止水若白明月而鑑之神至
人之莫能洞物之微其鑑之神者大無外小無內前無古
後無今通說莫之適度說莫之度此人之鑿之至也君子
談神鑿者曰升向氏之於伯有也子與氏之于孟栝也郭
泰氏之於史淑賓許卯氏之於曹阿瞞也又高而神之圖
澄之鑿可賴也辛有之鑿被髮也延陵子鑑國姬公旦之
鑑世也已至乙鑑愚愈推而愈神若是者斯可與語神鑑
也已嘻是豈許負氏之細伎乎生之神鑿其亦識是乎生
遠巡拜于頤曰車馬走于賢聖之鑿乎吾知願字為庶
先生大人之大余鑑不啻許負氏之細伎也請書卷首為
薛氏月鑑誌

說相贈王生

予史鉞之言曰敗天下之士而亂天下之事者相者之言也相韓信者當背而後貴陸信之叛者相也相鄧通者當貧而餓死繳肅之富通相也相吳布者曰富黜而後王縱布之為過坐法者相也相韋昭達者曰親鬼而後貴縱章之毀厚道體者相也劉侯相桓元子曰子仲謀皆宣王之流亞也啟溫之懷吳而卞軀者非悞之言歟宋和相晉王廣曰眉上骨隆貴不可言也啓隋文之廢嫡而喪國者非和之言歟故曰敗天下之士亂天下之事者相者之言也客有術唐訢之術者曰王生松溪來訪余睦州談其術於廣生中曰某人下吏也術經業可封侯某人存心孝恭當

享遐莫其人固有德德當及上弟子義之曰善哉生之言相也吳乎吾史鉞之所陳者乎吾聞嚴君平之下也詔於人以忠孝得曾子之教若生之語相于人不得曾子之教者乎生別余上京師求一言敘行卷故引余史鉞而復有取于生之言者書以為贈

仁醫贈劉生

仁人不得為良相願為良醫則伎之仁而善濟世者莫如醫也及讀扁鵲倉公傳則怪其方術之仁而鵲不能令終倉遜迹當刑惟少女幾不免焉何也史謂美好者不祥之器子觀鵲秘所傳方時昭名譽於諸侯此取媚得死之道倉挾鵲祕書決人死不為人療病使病家寬之此又取怨

得刑之道何尤於器不祥耶倉之師陽慶公孫光也慶亦
屑理人病先屬倉積方勿令教人嗜師弟子一何不仁之
甚耶河間醫師劉本仁北負遠志北上京師不得志輒放
遊名山至廬阜遇三人授以肘後書洞究醫家微蘊以其
伎翱翔吳中吾喜其視人病疾若已有之施醫不以貴賤
富貧二厭志其蓄奇秘不異於扁倉而施方伎職理病實
上於扁倉者若本仁者可稱仁醫知本仁而謂之器不祥
可乎若至仁者授鵠之秘又孰愈授秘本仁乎蓋本仁儒
家子臨江教授之孫宜其得實之仁而又能廣仁之施如
此本仁字起元既自號其樂室同仁而求言于余故為作
仁醫贈云

論

馭將論

將國之爪牙也馭之善則得其利不善亦足以致吾害蓋
驍武勇鷲鷹搏而虎噬者其素所蓄積也又況有挾功而
驕恃恩而放者乎故臨時馭之以智術而不勝者不若平
日束之以威令之愈也蓋嘗觀漢高祖以術御韓彭者不
幸不勝則殆矣當時如韓王信陳豨盧館者皆號恩昵親
董亦遠起而為亂高祖倉皇奔驅而僅勝之吁一有不及
天下非漢事矣然則漢之有國不幾幸乎及觀周世宗之
馭下也而後知高祖之勇於智術不如世宗之速于威令
也世至五季將之驕惰者甚矣梁唐晉漢大率以是喪主

威而至於亡也世宗崛起獨秉威令以下陵上替之後何
獎受能不用命兩人一誅而後世宗枕于不臣之將王景
韓通輩收其爪牙之力如獵者之殺鷹犬耳其去高祖以
術御將幸而勝不幸而幾敗者不亦優乎今淮吳府之僚
將也皆一時昆弟交也蓋有親昵恩黨過於漢者大抵以
權利相合則亦以權利相睽慎于利害之際不能無疑則
隙之所失矣馭之稍失其道則有快于恥于北面者不可
不慮也慮而後結之以恩之不蒙寵之以智之不勝則
將若之何吾為此懼嗚呼高祖之術世宗之法惟善馭將
者審其勢之利鈍而為之所也故作馭將論

人心論

夫人心者天地命之所係國脈之所關也劉文叔之中興
也民見者曰不圖今日復見漢官威儀此人心之思漢而
文叔收之以中興也郭子儀李光弼之匡難也民見者曰
不圖今日復見官軍此人心之思唐而李郭收之以匡難
也故曰人心者天命之所係國脈之所關收人心者要常
使之如父兄弟之親出于天情之固結而不可一日
離而去也人心一歸天下事無不可為人心一去天下之
事解體矣載論全蜀之人心在於關江漢之人心在於城
一關失則三蜀皆無以自存一城破則江漢無以自守此
無他人心所固者在關與城也二廣之人心在於嶺兩浙
之人心在於江一夫越嶺則二廣之民皆憂惶而不可禁

一舟渡江則江左之民皆潰發而不可支此無他人之心之所圖者在江與嶺也善用兵者必先有以收天下之人心又有以固天下之要害天下之要害固天下之人心固矣今日之人心聞下所知也其收之固之之術聞下所行也然有離而去者何也官軍所之先以花貓金鎗之黨蕩覆我民舍離拆我人心使之荷擔以待強負而去吾之屋廬皆為彼之營皆吾之牛羊皆為彼之膾炙妻妾子女皆為彼之奴婢金寶財物皆為彼之畏囊城郭之民養卒如養虎田疇之民避軍如避寇今日人心離而去者以此尚能為制下守要害乎聞下以誅討賊虜恢復王土尊獎王室為己任則請以收人心固人心為第一義也吾故斷之曰

人心者天命之所係國脈之所關也作人心論

總制論

吾聞兵法在古有五乘之制五乘者寧法之根本而人心之所由以一者也人心不一而欲守之固戰之克者無也僅語曰十人一心有利買金十人十心無利買針夫使百人操兵而攻虎者虎勝使父子三人荷鋤而攻虎者人勝何也百人之心殊父子之心一也此言慶不可以喻大總制之所以名者一眾心以制敵者也非徒一號令一服色一旂幟一金鼓七投虎龍八陳之法也夫一眾心以制敵則非律以五乘之法不可也人心有所不一維十萬百萬之眾而心各心於百萬則固不如十人一心之為利也故

戰之勝負不在士之多寡而在于心之一不一也秦誓有
億萬人離心離德予有亂臣十人同心同德是商民之衆
心不一雖衆無所用之周臣之心一雖十人而可以敵億
萬人之衆也後世五乘之法廢士心既不一而將帥又無
所統至於忌能爭功一麾之下自分疆界一捷之中妄分
被我諸物之心如此况可一知士之心乎吾求矣將帥于
三代而下如春秋卻克士變藥書者亦可稱賢將帥矣于
鞏之桓克之言曰君之訓曰二三子之力也臣何力之有
為變之言曰康所命也克之制也變何力之有為書之言
曰變之詔也克之用命也書何力之有為二三將帥更括
推讓不自有其功而中軍統屬未嘗紊也今秣陵之喪帥

者衆心不一也建德金華之離喪者衆心不一也各帥之
出鎮東酋者曰漢曰淮曰揚曰豫曰魯曰秦曰魏曰蜀曰
一之乎總制者果能盡制之乎諸部之心未能如周之亂
臣又未能如于鞏之諸將吾恐維為秣陵建德金華者可
畏也故以古者五乘之制周亂臣與晉三帥之事為總制論

求才論

可緩而不必求者天下之常才不可緩而必求者天下之
奇才也蓋事變出不測者非常才之所能才而必濟之以
奇才奇才不可咄嗟而得也必求之至蓄之素也譬之醫
家之蓄物也燕魚草木之劑出于市之所易得者不必蓄
也至於山海之奇產非市之可常得者則固旁搜素蓄而

為吾卒急之用也今寇之窺魯于我愚有不測而起者吾猶夫常才以處之以為其人易得也其術易曉也其需易應也譬之治奇疾而欲用草木蟲魚之當劑其不誤而敗者幾希矣今夫提市井之眾以與悍敵抗出奇謀秘術以應其變而制其勝或單辭片檄而下其城於帶甲百萬之眾則必用夫不常之才乃可耳其人於千百人中或一人為千萬人中或一人為不可朝取而暮得也必先君以求之至蓄之素而應吾不測之用如山海之奇產然後有以應天下之奇疾也於乎天下之奇才王伯之佐乎聞之謀未也代未嘗乏求之而不得者以求者非其道未得其道而又用之或非其所也急奇才者不咎吾求云非其道用

之非其所而咎天下之無奇才也不亦過乎劉備符堅嘗知奇才於葛亮王猛故求之急而任之為語主周亞夫亦知奇才于劇孟求之緩幾資謀於蕭寶寅亦知奇才于蘓湛用之失其所而乞錢以去李察亦知奇才于徐洪容用之失于緩而其人已在泰山之矣惟閣下立賓賢之館於奇才也亦知所求矣然求之非其道用之非其所則孰愈安坐而不知求者哉吾以為閣下圖伯必得謀主欲得謀主必求奇才故作求才論

守城論

城以保民為之也城不保民則不固不如恃民之為固也故曰眾心成城之以恃誠不如恃民也苟得人心雖畫一

地而守植表而限可也不然崇城到天巖扉重閉我之民
心內攜而外牧曾不若折柳之樊吾國也昔梁伯亟城而
而不處罪而不堪則曰某於寇將至楚囊瓦城郢而沉尹
戍戒之曰苟不能衛能城無益是皆恃城不如恃民之說
也今錢唐新城雉堞既定地隍俱備人度作者之少難吾
猶慮守者之不易也南翁之言曰居城者不築城者不
居姑以近事明之四明之城不曰禦方寇乎而方寇居之
新安之城不曰禦寇而寇居之睦州之城入以禦胡寇也
而胡寇卒居之豈非前轍之驗乎稽諸圖志臨安之城死
一百二十里宋人興築歷十有三年而不能完其半今之
板幹取於時月之間雖有神工鬼伎吾不之許不至牽

架以成自莽滅裂之功今兵疲食盡不以此時為討虜復
城之舉而為此自疲自困之計此虜之竊笑吾禦敵者為
無術矣昔齊王任松子者守南城而楚人不敢彎弓而南
下任昉子者守高唐而趙人不敢漁于河是二子為國長
城不啻金山鐵壁之固者不優于一百二十里之雉堞也
耶今閣下之守工惟知城而不知恃民與恃守將也興
築已還五郡之民則窮矣力竭矣小變怨而叛大變寇乘
而至矣此時雖有秦山之城江海之池恐非閣下所能有
也惟閣下省之慮之此者占於人子者又有占于天變者
六月十九日火不七日地震此天變之驚于閣下土石之
痕也至矣閣下不知救人心以回天意吾未知其可也惟

聞下以吾言者之慎之

東維子文集卷之二十七

東維子文集卷之二十八

會稽鐵屋楊維禎廉夫著

傳

麴生傳

麴生酒泉人也名不一或曰醇或曰盎曰需曰耳或又以
 其善眩幻顏狀呼之曰魯曰是曰霸曰差有姓之者則序
 曰高一本曰醉下
名皆作酒邊皆人好惠之辭非生本名也生初降精
 于星乃子于麴母媒白師造于夏人儀狄氏或曰陶唐時
 已尊生于繼器堯祿之于鍾舜器重生亦酌之以黍尊其
 人嘔二溫雅凡冠昏朝聘燕享禮無預號為通才尤善導
 引辟穀之術故其人最善壽飲其德者可千日不食人薰

漸其化無不昧而陶出其性真然以為剛則悍怒者化柔
則訥者倚之有言頓者狹有之始生徒儀狄氏進禹時先
自荅其繇曰得醴于泉得祿于天實用禮節其辭世延勿
用甘言至于流倫則用不顛坐得由不往狄強之禹見生
于食前米息之曰麴生之言甘後世必有以之亡國者迺
與狄在絕之五子遂述禹戒以作歌至商武丁舉傅說以
生自喻而期說為藥生者生名始重後受不道為深池位
生時伴食生者三千人商用是亡君子始信禹誠之不入
妄也商亡入周監商轍使正掌之大首監之周旦又以戒
成王王亦以誥康叔生後遊魯幾以薄德陷公于楚生名
稍減遺故肆市聞而先民獻酬之禮荒矣秦興苛律禁生

羣聚民間漢高皇賤時常就生民間飲王娡武員家逮定
天下生在上所羣臣皆倚生宴見上至甘爭上罪生申用
秦作三人以上無故飲生者罰金四錢文帝時始賜生於
民間脯三日武帝晚年耗用又俾生專權民間利豪析不道
雖博陸侯第私藏生致京兆吏斧闕推鑿鑪鑿以捕漢法
裏生隨好事者時已至楊子雲家以問奇為事生將隱去
矣曹操枋國以年饑復罪生表上禁銅法將作大匠孔融
力爭之不從君子悼生之行禮與頤養民者迺終以權與
銅敗哉生歷晉唐名復盛陶處士潛家無貲劉始成送錢
二萬潛即轉生受不為汰唐諫議大夫陽城所得俸錢
計鹽米外餘悉送生所生亦不辭生迹若嗜貨心實倪盪

無校計以故不問人賢否貴賤老穉皆獲與接顧獨卻交
老釋氏與裒服之士其人或潛至生往者生輒能形見之
其去就辭受非人取量若此惟性過和順雖樂君子宴娛
亦貪與婦人俱漢司馬相如竊卓氏至臨邛人不得窺決
生得狎之壚頭晉阮公籍東隣有美婦亦與生狎至怡王
安豐輩時過生所借生執卧婦側未與王永安婦交掌
娛人則法士所羞談也今工起生貴州從事上見其貌古
而中粹然問壽何對曰臣自農皇時至于今二萬五千四
百二十有八甲子矣問壽何術對曰臣不知他術惟不死
天和耳上方有事南都及養老錫功一採生古禮生定一
代儀稱上旨升從事秩欽伯又加爵醉鄉公食若干戶後
歸老子鄙莫知所終太史公曰余嘗疑麴生之為人稱聖
矣而溺之者亡國殺身則斥曰狂然交神明構遜俎豆又
何其唯耶然則生一入顧用者何如耳論者良將伏一單棹
河上而三軍為之死一陷反間則宵遁為敗軍之將此其
用善不善效也觀其生之用而卜成敗雖千世可知已

冰壺先生傳

宋蘇易簡欲將冰壺先生傳而不果密溪清上人請余補
之且屢奉蔓菁供遂為援毫傳曰先生姓蘇名道字受辛
始祖出蔡其後分旺蜀者蔓菁知名于諸葛武侯亮亮嘗
稱其有六利蜀子孫名于唐者曰金城土蘇先生金城後
也性甚清澹生不嗜糲腥幼時在金城遇相者曰蘇生負

濟民具若無食而相異日徒以三百糶黃為其科錢耳然
士大夫欲命世者不可一日不接其旨論先生學殖滋長
時出其根苗三千貴人鼎自臣薦吾用能使歲不饑不
民有吾色且能咀得吾本者易事不理貴人斥之曰賈菜
傭編項黃穢類古野逸雖釋老氏精戒行者亦與接飲食
惟太學生友最密嘗相誓苟富貴毋朝夕忘人有誦者曰
太學生腹彭亨五經苟實菜蟹五僕食客曰淳母氏梓氏
摩氏等凡八人或謂席上珍八寶或取厭于王者必召先
生與俱生人甘藜餘若醉若寐聞先生至即爽健起立時
先生拔其族種蹤如至終不與八人者爭淮故八人亦無
媚之者後豪侈家有想聞其風采而不可得輒呼帳下兒

趣原氏即蒞及中年今苗用大先生其風味終不似也先
生嘗雪夜有故人痛飲生夜半吻燥甚不可當亟呼先生
清淡二皆有根依齒牙嚼一成宮角已而棄入臟腑清冰
瀉玉壺也故人俟曰今夕啟沃之樂雖金盤瑞露無以尚
此願無以謝德厚死謚先生為冰壺從而歌曰我心兮如
醉彼美人兮獨醒載歌曰美人贈我菁琮英何以報之玉
壺冰後先生以齒終于家門人尚易名先生舍冰壺無嘗
者遂相與謚曰冰壺先生云

史臣曰東海陳姓分二族居涉鹿山者走足為東居蔡
者如草為疎東後有罕有聞而疎族憂天下至先生世
次莫詳聞其先薦進楚惠王以蛇事疎去漢有多平者

從華陀方藥吐烟若蛇人以為奇先生邁種德而以相
者言不仕然歿謚冰壺天下名士大夫至今宗不東豈
以祿食哉

冰壺先生蓋蔓菁連根蘖者是也蘇公周曰達咀數根
其義可推予嘗於霜夜酒渴起詣中厨覓水莫覩忽觸
寒蘖香則悞蔓菁在瓶次取啖其根渴隨解而酒俱消
矣時惟歌爾齋冰壺先生當立傳之曰與蘇公同一道
而傳則同一欠事後見鐵崖先生為蘓公補傳文中所
謂咀吾本所謂連茹至終所謂言必有根依者於冰壺
為是錄非惟補蘇公之遺實有以慰余心又缺云中吳
孟潼書傳後

白成傳

白成其先河內人河內在右時有居青州者歲貢上國未
入官至周子孫有曰若曰鮒曰虎者始入官其祭祀賓客
膳羞事周末子姓昌熾在齊東海島間環水以自圍習風
沙氏術日以陰陽水火煥修為事其最切者名成堯子
與齊大夫管夷吾交獨密遂進笑夷吾介之通齊君自贊
吾笑用可使齊富強天下夷吾力諫侯曰齊國貧且亂而
使成舍把道利不用是仲不智也知而不言是仲不仁也
仲為君得利師惟君法為齊侯喜用安車禮聘之馭千里
驥服其鎗裝孟闞土海濱警并築灶益茹比若拂廬然
使頓煉修其中民採手觸禁不得犯不一年功地沙上皆

成白銀抱利充然而齊霸天下矣錄是齊侯請於王賜爵
鼎侯封其國曰海王俾世子孫食邑凡若干戶成去鼎侯
丁世廷曰潤下與母富氏娼禱于灶得成漢青龍土戌生
月丁未日考推曰成水命曰取旺火伏土戌大海水運一
轉實能贊國家閣石成為人魯重賞自負為席珍與庾嶺
梅處士氣味同醜醜結為伯仲交而世未薦進于上者會
吳王漢取士于魚鹽東海人遂以成充賦王見成膚玉雪
星：然笑曰成所謂江漢濯而秋陽暴皞乎尚者用之吳
富遂中他諸侯然漢因是以橋已則亦成有罪也武帝元
封間成用齊東郭成陽薦職到大農其族屬名官者二十
有九又徒應前時維陽賈人桑弘羊南陽大治孔僅皆併

白附成議得罷幸成自謂遇不滅鼎祖然國未富而民先
病笑成在官若干年徒糜宰廩而續用弗成廷臣有欲烹
其黨弘羊老帝晚年亦悔用成猶未罷遣又學士羣議成
失皆願罷成而後化可興成自是稍引退云

太史公曰白氏本出炎帝後戰國時有主者歆喻於利
我嘗見關孟軻氏成一志利民覆民是病古之利民不
民之利而民自利：莫大焉成通異是故自齊營民能
用白氏斤：使其君羈後之得其利者成寡矣嗟乎當
成遇大漢使勸其君除苛令調齊眾咸而無德之者庶
幾鼎鼎之佐哉

璞隱者傳 為海虞釋仲素誤

隱者蒲氏名玄玉璞隱自號也上世徂徠人戰國有任齊
即墨大夫又為即墨人其始祖曰煜氏煜者隱徂徠山得
煉形術初煉體赤再而青三而立其面老可鑑文有五龍
章涅初生時筮之繇曰震水其相離火其先非青州黃玄
斯用章水石摩盪吸陰吐陽以相四日天下文昌厄祖危
氏古用銀靛文塞而啟與勝氏同傷孰愈璞隱卒退于洪
家初俊捏相倉頡氏制字太昊氏著三墳五典八索九丘
煥乎其有成章皆涅子姓也秦氏有田即墨隱泰山始皇
東封泰山遇其人爵為五大夫及坑焚既作殃及大夫胤
子在官襲封松滋侯惟用于刑俾議黜削事時上愚視民
曰黔視松滋上點耳故滋之後曰瑜虞在漢賴尚書令僕

為引與管城子類同升道亦不行蜀人揚雄氏居家習玄
學退而依雄：上長楊賦非藉爵為客則不能見翰林主
人故推始終以客卿呼之康遂隱于蜀子孫不聞有顯者
聞浮提國有分派曰金胡氏汁洒地能幻文成字音有九
子者與二陸為文字交然亦不利人人多利陰陽婚家時
祝辭曰九九子子生之松滋宜爾子孫藝如蠶斯至宋紹
興而立玉始以璞隱自祕不知生父氏自云繆公子稱知
已繆築軒居之且以其姓名軒權貴人詣蒲軒爭欲致璞
隱璞隱終不起且曰吾祖由蒼頡氏昌用佐功文明文極
而僊夫厥僊大贏氏况又僊贏後者乎予不隱其有不以
吊滕氏者品蒲成此于璞隱亦應祖歟晚年得道自說曰

吾用物積多吾壽可以故堅木矣入水不濡入火不焚矣
待吾道者蓋鮮矣水不濡火不焚

大史公曰上古有黑齒氏涅出燬氏其黑齒支乎中古
抵竹君亦曰召父既墨氏至璞隱又昌蒲去墨氏其先
雖爵顯于秦賤與黔等孰與無赫之名帝皇世而功煥
然在天下嗚呼璞隱用不用孫天下取舍不幸幾于黯
鈴窮于雕篆点仲矣乎始絲之見也若璞隱者謂之隱
無用文者非歟

竹夫人傳

夫人竹氏名茹字玲瓏自號抱節君其先為孤竹君之子
曰智諫武王伐紂不聽遂不食 周粟餓于首陽山且死

召其族告曰吾不食死百年後當有不食飲者為吾女氏
以拯世之濁熱然未嘗如鎖子婦之總其節也越若干世
為宋之元祐年果生夫人夫人生而瘠如篋器成將作匠
之羅織巧慧其中玲瓏空洞無他腸又善滑稽圓轉雖與
人狎其情態亦如木偶氏謂夫人者無益斯分而善之者
則無內荒長舌之禍也嘗見聘趙氏子充家奴畜之豫章
黃太史庭堅聞其人作詩雪之以為想臂體膝辱夫人而
况又奴之乎夫人亦犯而不校夫人自以家世素清節終
恥屈身于人鉛華縣鼻弗之御矣荆釵棘簪之微一皆弃
斥由王后嫉妃下至公卿百執事無不器重之召亦無不
往然所在抱節終身未嘗少污其潔先是得長生久駐術

於奕娥氏用能辟穀導引以應鼻祖氏之言其蹤跡詭秘
當矣而出方秋節遁去囊括其身自比維有甕人或謂尸
解不知其終

史氏曰莊周稱姑射山有神人肌膚若冰雪綽約若處
子夫人豈其流亞歟惟其辟穀不食飲故老不死人疑
為女仙後人有見於葛陂者與畫丈人同蛻去云

學圃丈人傳

丈人出蕭史氏生龍虎之阜高居會稽之陽丈人生而機
怡絕人長而慷慨偉風度有治天下之才而不奸于仕晚
乃弃儒衣冠入道研窮至理又自理于畔以老圃為事抱
甕握帚不自以為築亭園中既以字之人且以學圃丈人

目之怪而扣者曰孔子大聖嘗更東田莊周大賢嘗更漆
園未聞以老圃為事如小人之樊而見絕于聖人之門丈
人勃然曰有是哉彼有雖絕卿相枯槁于園幾于近各攻
治陳言腐滅感絕不窺于園凡于張真吾幸免乎二者之
累園公園更為社為隣人無識我亦無識于人烏知我
不如老圃與古先之至人扣者恣然欲退丈人復止曰汝
以予為園人乎計告君以園道也理園者理天下之範也
圃而蔬茹出為藥果實為材木出為凡地產之利無窮屈
為一日不治則利盡廢可不慎乎哉噫吁嘻北客為踐園
而漆室女之為憂者長也扣者再拜謝曰始吾以丈人為
鋤丁不知其為有道人也野更賦遂道人為錄其詞為傳

而又贊之曰

樊須氏之儒教自是子陵子之鄉盜廉自污吾非斯人之徒與其列禦寇之居列子隱居曰漢番之徒也歟

魯鈍生傳

魯鈍生不知何許人或曰東魯人也六歲善讀書日記萬餘言十歲能為古歌詩長明春秋經學狀貌奇古人以為偉凡氏魯鈍生笑曰使余氏西域用法科才魁天下士一日之長耳不幸生江南為孤萬落魄湖海間以任縱自廢浙憲使者嘗辟生為書史生拂然也抱成素與俗骨離立大官前非吾業亦非吾志遂卻余嘗解後生西湖之西東湖之東與之登天日曆七十二弁之峰題詩絕壁工間達

山中異人讀之咸擊節以為人間奇才也生酒餘必歌詩之餘索余漢邪笛作君山古弄關呼山童出拖尼錦囊中官知賜墨研銅雀觀瓦作涪州秃翁古六石及中嶽外史雲崑圖自謂在古無上人欲以貴富勢得之弗能或遇江海奇士不需而乞與之生剛果康直見人過不能容或面折之有一善則又稱道不已其是非曲直之性頗與余同故余在三吳山水間多與之遊晚年著書自號金馬子有太平萬言書約余北上共余三史統辨陳天子之庭而予未果也今年春忽自葛峰來會余雲間曰吾將挾吾人為太史遊遇偉人間余為誰余嬾自陳請子作魯鈍生傳故余為之傳云

楊先生曰余及海內奇士屈指不能四三人其一日才
山外史張公雨其一日大癡子黃公望二人老矣晚得
魯純至王殆明經不肯冒西俗舉性正矣友過避又不
肯諂事貴官益高矣樂從余遊山水間適酒後吹錢笛
和古歌章若狂矣而晚將獻天子書陳天下利病成
敗其果狂者乎

慧觀傳

慧觀東越婦也家世業儒未笄時父異其警悟授以五
行書長而益深其學推人貴賤禍福往來奇中中年家祚
落從其夫游江海間夫亦儒家子得妻之術相與薰市肆
售其術問者則皆之慧觀氏慧觀清而弱日推言數人得

錢給薪米即謝客過其門者莫不日而駭之余嘗與之語
而吳其人蓋非婦人也慧觀之言曰吾不幸形婦人以生
生而不能以婦人自處又其不幸也屢不幸而以生月日
為人言貴賤禍福是特以生吾之生不知生吾之生者果
何言取乎不然形吾累也然天固假我以形而實無形也
洩我以言而實無言也以言求吾猶索日于影况形乎且
吾之為吾亦非吾之所得吾也吾特吾之耳又不知吾之
見者有以吾之不吾者觀吾吾乎然則世之難我者固不
少於生我者也楊子曰婦人之言有是哉觀乎觀乎可以
婦人目之乎吾聞嶺姑射之山在北海中有仙人告為肌
膚若冰雪綽約若處子乘雲龍御飛龍而遊于四海之外

人浸稽天而不瀾大旱金石流山土焦而不熟不知瀾我
者人有所謂水火者焉觀室處者也千里而遊蓋無一日
而不在水火中也不為其溺且熟其棄氣御飛龍而遊乎
四海之外不自千里者始乎觀乎觀乎吾以姑射之仙望
之矣居北海之中者彼何人哉

葉政小傳

政字克明姓葉氏淮陰人自幼警悟知讀書自奮拔既冠
以辛檣充浙省幕史善建白論裁常依名節上官奇之至
正辛卯隨左丞李羅帖木兒討海寇壬辰侍平章伯顏帖
木征湖廣克沁陽銅陵破蘭溪渠魁徐真一皆則平戰水
賊巢屢獲賞給丹陽縣富民來章輸漕至蘭溪見政與語

莫逆即以先禮事之未幾起程赴汴陽泣別曰弟今濟大
江涉重地死生未可知兄平生篤信義願以資囊相托政
固辭弗獲俾章手緘藏之逾月章鄉友朱讓率其奴來曰
章不幸入蓮臺湖遇盜死矣請其資囊政曰汝遇物于章
章未嘗語我：受托章義必質東以明以付汝來以政匿
為已有銜之明政抵京口會朱氏父子坐丹陽驛門啓
囊緘得錢二百五十緡黃金五十兩白金五十兩珠八千
粒衣帛有差歸之木又得錢五十緡黃金五兩白金五十
兩珠五粒歸之朱二氏感其酒食以謝政不答而去政居
軍中凡五年志心金穀遇有功輒驗格言諸上官上官以
其致力匡匡移文薦之授其官父季實從父塘心前至元

俱奉詔入覲李實授行宣政院都事瑋心授翰林直學士
有文集傳于家

小鴉傳

小鴉者錢唐人姓張氏名訥字近仁其父某鄉校君性鯁
直面折人過無忌憚人呼為老鴉舌訥性如其父父又呼
為小鴉游吳出長紙書一通斧鉞黃葉蒸偽王張氏欲官
於私文竟拂衣去 大明天子遣使浙河招異等材訥在
選中凡二十五人至京師見 天子謹身殿各實封獻所
言訥笑曰汝輩封壇上紙為爛紙語不若訥櫝在尺塚中
竟取決於 天威咫尺下從則留不則還山也他言者出
訥獨後留上問留故訥曰請與生詳言首言太廟次千步

廊成丁勞死事上首肯之枚後丁生還者若干人授官斷
事張氏偽官沈善夏豈徐官憲府訥聞即走奉天門下白
上曰沈夏亡國傳而置之風憲非惟辱法且辱朝廷甚矣
上疑其論即黜退連百餘人銓吏嫉之調訥山東縣令上
嗜鉉者罵曰汝輩雞狗忌訥在左側耶復改受御史後以
言中傷臺長請歸天目山上弗從今轉諫議官云

雪蓬子傳

雪蓬子葉氏名以清字子澂雪蓬其自號也其先京口衣
冠之胄宋末大父懋地華亭父鏗遂家焉蓬貧而尚氣節
有古義俠風德清尉劉昶者聞其義聲訴以三喪不舉蓬
貸錢五千緡資之監照縣伯顏調兵且領顏行鷹妻子曰

戰死母且老當往依華亭葉子激顏果死一夕蓬夢顏曰
老幼難中請以為托越二日其妻子果奉母來歸蓬老其
母若已母幼其子若已子准兵入蘇守松苗帥禁通苗帥
史宋炳以鄭煥尹郡鄭欲火巨室黨苗者蓬素與鄭交白
以大義而免持金帛詣蓬謝者旁牛悉拒不取鄭避蓬尹
華亭始以父病辭及鄭以賂拜通事者六十餘人蓬獨免
初鄭獲苗遺米與蓬一大舟不受轉以賑乏絕無斗升及
已時避地依蓬者若建德尹楊瑞平江尹貢師泰達德道
守毛景賢蓬待之知平時男女踰室家期者為擇配瑞卒
囊無一錢蓬殯莫如禮同門友胡方養病同郡謝氏館方
無從歸蓬具為踰月弗救具棺槨會親友籍方遺物咸

歸其弟妹關西趙友道逆旅來歸蓬解衣推食閱四載病
歿月餘葉弗忘浙省員外王國賢以囊素留蓬所國賢死
蓬以完封歸其妻子凡此皆近古家使之為也淮南左丞
史又辭蓬諮議不起江浙辯章王公以省檄辟幕府亦不
起應南京天使訪賢人且松首聘其人終於不應事母極
孝母亡哀毀骨立晚年構草堂蕭之津躬耕在田公塋老
圃以自食其力不入城府者若干人當路重臣識與不識
皆慕之如古之云

鍾史曰漢素然析必陵富人之言曰天下緩急所望者
獨季心劇孟耳王嫚為安陵曰陽從車騎來一旦緩急
不可恃吁義俠之係于天下者如此太史氏使傳所由

作也稱之大姓民武斷其里者主之後之廢耳烏有緩
急所恃如心孟者乎若蓬者亦滋之人負氣使而在庶
乎心孟之流乎故予特傳之

陶氏三節傳

三節者天台陶明元氏之子婦王氏淑孟女宗媛季女宗
媛也淑從夫宗儒爵封宜人孟元丁未秋兵入台淑屬于
於傅姆曰汝以歸其父吾誓不兵辱即赴井死年二十八
宗媛適里中杜思細思細中流矢卒時始喪在淺土夫又
未克葬思死護兩棺為游軍所執媛不受迫辱其加刃脅
之大罵曰吾若畏殺吾已去久矣請速殺吾遂遇害年四
十宗媛適里中固本歸未一月兵至持一婢走池游帖潮

一卒突至引其婦曰妻我免死念無以自脫指其婢曰可
先妾之俟卒擁婢不為備婉即投池死年二十二

錢史曰方氏據沿海郡十年所陽浮受明命陰禁民毋
送任台臨日忽異肆戮大姓女婦辱而驅之若狗豕三
節乃獨聚于陶氏一門自白一志從容白刃之下丈夫
士有不能焉吾聞明元氏嘗官有元閔檢校衣冠妻世
以忠孝廉直為家行配之元人出宗宗女趙氏也宜其
教漸於窈窕諸淑者若此余傳之使采東國之風者得
之足以光彤簡云

跋

跋君山吹笛圖

華亭沈生瑞曾從余遊得畫法于大癡道人此幅蓋為予
作君山吹笛圖木石幽潤山水清遠人物器具點綴于豪
末者纖妍可喜瑞年未三十而運筆如此加之歲月其則
不在一筆丘壑者幾希矣抑余有感于是者予往年與大
癡道人扁舟東西湖間或乘興步海底小金山道人出所
製小鐵笛令余吹洞庭曲道人自歌小海和之不知風作
水橫舟楫揮舞魚龍悲嘯也道人已先去余猶隨風塵瀕
洞中便若此竟與世相隔今將畫棄人間事追遊洞庭僅
老人歌紫萼如道人者出笛懷裏問吾取其與明倚相樂
者引樂數杯據牀三弄遂與紫萼者終隱十二峯瑞能從
之否至正己亥秋八月中秋日

東維子文集卷之二十九

會稽鍊屋楊維禎廉夫著

詩

送薛推官詩四言三章有序

吾友姑胥富子明來言杭州推官鄆城薛公之人曰
薛公起自國子伴讀自特名公卿間連歷縣尹掖城
寧晉得民譽甚三命為令職惟杭實江以南太府也
其俗皆薄喜訐爭獄市滋起大家氏關節迂變事情
奸偽百方出奇獄訟有他比所不傳雖老財察者病
弗逞理推官號難職而於杭號尤難者薛家之來也
斷某獄平亭疑法咸一一當蓋廉為治本又明射之

起以出之惟廉不淫明不惑而怨無文深之過故集
不願且用不克自時府中事無閒大小咸咨薛公府
長更接之如賓師事有隔其省闕必外差願償一時
僚友有坐畔法事者而薛公獨歌休聲於民此其賢
否似劣之較然者也今將代去丞相府與御史章交
上其涉清署以耳目 天朝者必矣杭士歌詩鄙腐
不足以侈而餞也願邀于詩予審子明言不誣為賦
詩三章一章述其善于賦也二章惜其去三章期敬
清要以副杭人士之望也詩曰 第四句五言
有淵有清又靜且平有照斯應孰有撓有澄我有疑集伊
誰質之我有往罰伊誰出之孰奪我美心如失之雖奪我

美其用則通何以用之驄馬御史維驄馬史厚史之師四
方之紀

壽豈詩 四言 二章 有序

人情莫不欲壽而富貴人得之者少賤且窶者多得
焉何也天之授人以五福固不兩完也狀賤窶者之
壽而樂豈又少矣古之賤窶壽而樂者吾聞榮啟期
而樂之以三固未知所樂也此壽而豈之不易也
中吳瞿忠夫氏家崑之韓涇亞忠夫蓋斥大其門閭
而名其事親之堂曰壽豈參斯之斯人敬祝頌之詞
曰令德壽豈蓋代之壽者不難而壽而豈者之為難
也壽而豈者非令德之人曷及爾哉謂夫世德之家

也有華宅可以居有負郭之田可以食二親皆具享
遐晷惠夫朝夕率其仲上食堂上既有以樂之壽而
又有以自樂焉豈之樂園非榮期之賤而莫得之賤
者比矣夫惠夫之所得惠者豈非詩人所謂令德者
歟惠夫求于詩故予序之而係之詩二章曰有橋有護云
有橋洋：在堂之陽豈弟君子令德不棄文文如瑞璫衡
其鏘酌以香酒以燕樂我父兄翟叔孝友壽豈孔域
有護奕：在堂之北豈弟君子令德有赫飲御我族以及
我賓客翟叔豈弟班棠赤烏壽且樂康田爾令德

送康司業詩四言有序

至正七年秋 天子以成均司業之乏山東康公若

恭以憲命事轉是職未幾台評奪職副席曰司使不
三月轉湖南憲使未行而中書以國學公論又立挽
於司業其行也吳之士大夫咸贈以言有論于維楨
者曰廉訪使 天子執法之臣也司業文墨官下益
殿最者也天下執法臣得一人焉勝百件守令文墨
官得百什焉七愈執法臣一人今康公累遷廉訪使
者執法之得其入者也而成均徒以文墨使官使其
人無乃非天下利乎維楨曰不然惟我世祖皇帝屬
統垂業于後之人不在吏待文法而在傳臣之扶植
倫理也故設官分職司業為國子師民氏天子內長
之非天下不居故其人得侍間于 天子時賜清宴

以問道即有所達白澤流四海非尺寸之細也國有
不是師弟子得選上聞捷于執法移文符以闡說差
次者其育才養能一適而賢：卓陶伊尹之徒往之
發迹于是其為國利也厚矣薄其功豈在執法在哉
嗚呼司業之人也文宣徒取其官止蓋殿最哉今
天子承明經成尊師氏之位不卑于執法臣故康公
之厚熱風紀以移是職也良有以也哉故余哀次吳
士大夫之詩快以送之而又序之如此復自繫詩凡

五章詩曰

赫赫曾監禮樂儀司祭酒長之師氏貳之明 天子作我
民極何以播教師氏有職惟明 天子惟 烈祖是因

烈祖始受命肇立成切 天子戾止作爾多士多士濟之
惟 天子使曰若康公穆：雍：多士濟：惟言來饒
天子問道其言如鐘 天子廣化其德如風維禎作頌配
於樂王

題遠樂子卷 五言律

煙水風塵外先生一草堂
平時無戰策却老有丹方
蒲葉鈔書短松花釀酒香
有時歌缺乃小艇在滄浪

夜坐一首 五言律

日落群動息張燈坐草堂
浮生百年事清坐一爐香
謀拙憐人嘆幽栖世慮忘
吟詩不知寐華月自流光

舟過黃店 五言律

水會魚鹽市霜清蟹稻天高橋十字港新剡四邊田樹老
鳥銀英花開白玉顏老翁誇樂歲斗米直三錢

綠陰亭詩 五言十二句

公子逸流俗淡然薄世榮華亭入幽邃水日有餘清高梧
羅前庭修竹被兩楹重陰秘清晝好鳥時一鳴佳辰展芳
燕良會欣合并清歌發綺席鼓瑟更吹笙群公盡詞客列
座敬塵纓言笑遂真性觴咏暢幽情清陰與日轉不知月
東生

送趙季文都水書吏考滿詩 五言二十句

江浙糧賦居天下中九而蘇一邛又居浙十五然蘇
國也田皆枕湖藉江因水進退為凶慶使歲 恒陽

則窪下皆以鍾欽之利害一有淫潴之虞臨風梓作
挾波浪破隄防連阡接町淪為巨浸此朝廷都水營
田之所由立也其職專以水利為務遴選重臣有才
幹者居之而所調官吏遂與臺省相參蓋朝廷視水
利為重政待其官守重宜也吳時官守或非其人其
貽民害覆有暴于水而民益困者然則居是職者其
不可不慎選具人也必矣書史者具官之贊也更不
得人而欲其官之得職也亦難矣夏定趙君季文蓋
才而有風操者也往嘗為浙中司臬更有能稱故令
都水使府點函以書史辟于沙河尉次宜其克相其
官 有成也君自奉職來隄隘蓋脩溝渠益浚水還

故道而民受痛田之惠者君之功為多蓄滿例增秩
七品佐二郡縣為近民之官矣以君與除水利害之
心推之吾民撫字之日民其有不受賜者乎其行也
矣人士咸歌詩以餞之推子為序首而復係以詩云
勿吳水為國桑田水相爭水大連陂湖水小吞柳涇高廬
或凡墊下土孰容畊吳萌罹患久都水置司平治水亦多
術官 利始興侃、趙公子為更有能聲素流截高岸蕪
塞開通滕都府資治畫課最上農鄉還官到州縣穡事語
田更推此澤物志 聖化相流行

送謝太守 五言排律四十句

湖季今日郡循良第一人武林非復舊文化要圖新海嶽

東南會湖江左右隣曾開天水國直開尾箕津府大同京
尹居崇吳國賓提封家萬戶易俗刀千鈞惜也承平夕於
焉值亂頻煙華餘故市風物感殘民今日懷匡濟乘時好
捐猶念君多意氣滿腹貯精神別地梅凝曙寒江柳翠春
過船沙汶屐駐旆雪埋輪龜勉猶無及窮愁不敢嘆贈言
知而報取醉寄情真勿袖烹鮮子須聞牧犢身推誠歸簡
袂植善息頑器亂後無家世漁中有隱淪千年黃雀返萬
里白漚親莫學張京兆應如召信臣貂蟬從岳牧圖畫可
麒麟

賦春夢遺 七言絕句楚音雖老尚能歌听
夢道人樂府子因呼為春夢遺

黃柳城邊風雨多白頭宮女有遺歌東坡有遍無知已賴

有人聞春夢

小香

一場春夢不須忙
賸買春風又幾場
一丈花開紅玉蝶
小香何日比花長

寄沈秋淵四絕句

大將軍誥入酒市
貴公主鏡落日家
不知有客琅玕所
獨自吹笙醉碧霞
白曲已無張外史
道士今有沈東陽
裁雲剪月三千首
獨虎仙官不取將
鹿皮之冠雀髦髻
軍前不肯帶銅魚
花猫望鹿拜履下
知有祝中黃石書

鸚鵡水深蓮葉航
書來約過百花庄
醉披錦袍上船去
倩得小姬連笛床

送貢尚書入閩

繡衣經略南來後
漕運尚書又入閩
萬里銅盆開越嶠
千艘升斗資著人
香薰茉莉春醒重
葉捲檳榔曉饌頻
海道東歸閑未得
法冠重戴髮如銀

八月初四日雪坡太守周門拓入雲居山中復度嶺
飲于水月尼寺賦詩書似太守及蘇州刺史周義卿
文章太守早休牙
五馬傳呼處士家
好客新分朱露酒
題詩近在白雲窩
山中子落千年桂
海上人歸八月槎
水月樓頭橫玉笛
誤猜萼綠是韶華

用顧松江韻復理貳守并東雪波刺史

仙客歸來隘九州身騎黃雀記南遊烏衣故國江山在銅
柱荒臺草木秋起舞劉琨空有志登高玉紫不勝愁問君
蔗境今何在祇憶當年顧虎頭

送謝太守

朝廷遣使航東海萬里南來送圖書者屐登山夜不惡分
符與郡復何如白蘇事業千年後吳楚封疆百戰餘今日
養民方急務肯將微莫及舟車

答倪生德中來韵

綺山才子才庸峭素色成文似却綾待詔歸來金馬客題
詩寄去碧桃僧畫眉誰問張京兆多病深憐馬茂陵昨夜

西堂安夢好忠連春思又新增

八月五日借錢唐王觀海昌李勛大梁清人過湖赴
瑪瑙山主之招題詩雙松亭

十年不踏瑪瑙石今日重登口子峰外湖水繞玉蟾蜍裏
湖水浸金芙蓉崔老題詩欲招鶻生公說法善降龍浮雲
富貴眼前見從此道人輕萬鍾

感時一首

壯志凌雲氣食牛少年何事苦淹留狂歌鳴鳳聊自慰舊
學屠龙良已休臺閣故人俱屏迹問閣小子畫封侯愁來
按劍南樓坐寥落江山萬里愁

至正庚子重陽後五日再飲謝履齋光漾亭履齋出

老姬楚香者侍酒之餘與紫霄生賦詩

滿城風雨送重陽
雨後花開重舉觴
仙客新來啟七七
佳人走出楚香香
于時懶上平蠻策
度世惟求辟穀方
光漾亭中詩易老
不須春夢到西堂

與姜羽儀詩

六韜人去無家學
獨說吾鄉有羽儀
太尉府中招處士
湖州幕裏看賓師
座分雨露黃封濟
門護風雲赤羽旗
湖上老夫詢出處
扁舟一葉似鷓鴣

主之約詩用宇文韻

我尋三十高僧閣
還有支郎第一流
湖上風煙留晚照
山中草木帶邊秋
水晶宮閣碧函蓄
金粟堆呼黃粟留
馬題

詩 寺行人有北峴山遊

寄秋淵沈鍊師

琅玕種得三千箇
箇箇珠台玉樹齊
秋靜雙鳧青渚曲
夜寒一虎大茆西
長茸不著花
猶獵深竹時
聞翠羽啼
老我所須惟鐵杖
不須太乙乞青藜

十月六日席上與同座客陸宅之夏士文及主人呂

希尚希遠聯句

新發葡萄琥珀濃
酒逢知己量千鍾
犀杯斜落眠金鹿
鴈柱弦鳴應玉龍
紫蟹研膏紅似橘
青蝦刺尾綠如蔥
彩雲吹散陽臺雨
知有巫山第幾重

八月五日喜雨初陽臺上作

敲門空過太史宅，杖却上初陽臺。雷從萬仙井底起，雨自黃妃塔上來。官軍捷報銅蛇陌，山人酒瀉白螺林。憑誰得知詩句好，山東李勣今有才。

十七日過無住菴，因留題繼上人半雲軒。

我訪東山丞相譜，因過南墅半雲寮。雉栖薜荔都蒼藎，蠶補天容大士橋。萬歲藤枝神蛻杖，三花樹子瘿為瓢。老僧好事兼好客，時作遠公蓮社招。

用蘇昌齡韻賦李紫篔白雲意。

紫篔之篔：滿林白雲之雲。復深忽見南山有真意，時聞好鳥流清音。金翻玉女當窗，雪棋款仙樵石。凡陰為子朗歌成古調，寓以老鉄斛盧琴。

題夏氏槐亭軒

何人覓得大槐園，園在人間人不識。五馬既赴南柯侯，千金更選東床客。金鷄一聲叫東方，蝴蝶飛來春一場。君不見綠林周虎郎，匍匐高拜虬蟠王。

寄兩道原詩二首

信公今住竹林寺，曾寄吳鹽道。起居戴家泊，上收秣米漚。湖門外好鱸魚，緇衣宰相日。給告清客道人新，著書若問西明。上伴竹枝零落柳枝疎。

老人呵町延何如，聞移車書上居甕口。新包竹葉酒，船頭梁釣桃花魚。雄文曾為六國印，綺語更著三家書。兩家道郎我所愛，何啻林間見二疎。

聯句書桂隱主人齋壁

壬止己亥冬十月四日子偕吳興桃庭美義興高玉
自夏長祐吳郡張學湖西張吉富春吳毅東海徐子
自陽羨高珙雲間謝思盛同遊崧之顧左酌禱隱老
仙墓因過郁聚學聚齋見桂隱主人供茶設醴席上
與諸客聯七字句成一十韻十有八句書于齋之壁
予為會稽抱遺叟楊

九思山陽漂清陰十年曾記此登臨仙人一去福破斗小
山重招花作金勺水研池圓洗担老蕉書葉倒扣心瞿曇
像現雪生壁木客詩成風滿林白馬胡僧經寫具青烏方
士石旋針文花雪舞昆吾劍一索珠懸斜律琴出柳怨號

斑額獸鎮龍解語雪衣禽掀髯自作蘓門嘯抱膝誰歌梁
甫吟聯得彌明詩句就內中韶護有遺音

題禾運峯夢遊仙宮殿明日偕見西耕章進凝香閣詩

青蓮老人青瑤環自言昨夜夢遊海上天梯山天梯之山
三萬八千丈瑤臺雙闕開天闕赤藤飛上最絕頂千樹琪
花散晴影通明前殿上覲玉虛翁左面長眉矐矐二玉翁
元是太極仙手弄兩丸日月旋天局地戶日啓閉玄牝一
鑰開天光青蓮老人南極裔秦華開花一千歲大人賦奏
馬文園玉藕如船澆渴肺殿前作詩明月光二彩下徹下
土中書堂明朝寫得凝香章蝴蝶飛來七寶床

凝香閣詩

凝香閣者光祿大夫平章政事張公闢之以待四方
賢士即漢平津侯之東閣也客卿鐵崖楊子名之曰
凝香本草蘇州諸子讚揚子記云休兵息民又云厭
兵國治引周公仲山甫為解夫兵不為攻城乃森戟
於左右者詎非休兵乎燕寢凝香與賢者共之豈非
圖治乎周公東征成王迎歸天廼反風起未此休兵
初也仲山甫祖齊宣王賴其補衮出納王命此圖治
初也揚子之進規者至矣枕席典教朱庭規敷揚子
之記復為歌以頌云

有兵不若森于庭發矢不若莊于棚汗馬不若係于營休
兵要待民力生平章政事光祿卿閣下萬卷清香凝書生

有德生馨况復藝鼎相熏蒸綠烟一縷風度櫺光祿燕寢
寢不驚蝴蝶飛來窺枕屏周公入夢話東征山甫依稀亦
言并天既及風示祿登吉以補衮垂鴻名揚子進規為座
銘有客如此真賢卿庶人飽粟危人饋鮪燕昭臺上千金
輕錢博士起相慶有如一八學士登蓬瀛

東維子文集卷之二十九

東維子文集卷之三十

會稽鐵屋楊維禎廉夫著

歌

盤所歌 并序

孟子稱大丈夫曰居天下之正位行天下之大道富貴不能淫貧賤不能移威武不能屈李愿稱大丈夫曰坐廟堂則進退百官在外則武夫前呵從者夫途喜有賞怒有刑材俊者譽其德粉白黛綠者爭寵妍孟子之所謂大丈夫者李愿氏之所謂大丈夫人之稱大丈夫也其賢不肯固自間矣及愿稱大丈夫之所不遇者又曰與其有譽孰若無毀與其有樂孰

若無憂車服不維刃鋸不加理亂不知黜陟不聞此
我之所行愿蓋亦潔身而往之流也豈亦得稱大文
夫哉然比於處穢汚觸刑辟微倖于萬一老死而後
止者則猶賢耳故昌黎韓子之未遇也亦於青車秣
馬以從應于盤之樂也去之六百餘年而猶有裔孫
曰秀之而自公某為宋和公之七世孫也宋車不忘
仕國朝以名節強起之耕以疾歸隱于汝澹之上名
其居曰盤所盤在太行去汝澹不知其若干道里而
南自名之蓋所同其隱而不必同其地也南自克己
風節重其所則愈於愿之徒以不過而樂其所者也
南自諸孫為恕又能復盤所于先廬墳墓之餘遺其

而於海甸之東上而南自之故扁在焉固賢矣吾聞
恕自幼有大志唯用力于當世者又自知不可為則
為不過于時者之為而不為處穢汚觸刑辟倖於老
死而後止者也於愿之賢亦庶乎其近之昌黎氏賢
愿而為序余亦賢恕而為昌黎之歌以歌之曰

盤之宮東上之樂盤之上耕者讓畝。盤之泉漁不及因
盤之阻外禦其侮盤之隙內潛我心盤之穰實盤繫我族
嗟盤之樂兮樂而安風雨不震兮變滂弗好孝以致其養
兮義以廣夫急難居燒安兮體愈胖心無憂兮美有惠叶
歌兮樂女盤女將和兮致吾樂

耕歌七首

杭築長城賴辨章仁令兩羣美政治于衆心以底不
日之成然彼失之記有不免悽苦者東維子錄其辭
為杵歌

亟：城，城亟成小兒齊唱杵歌聲杵歌傳作雖陽曲中
有哭聲能陷城

自古衆心能作城五方取土不須蒸：土作城：可破衆
心作城：可德

疊：石：石藪嶺立竿作表齊竿旋阿誰造得雲梯子刻
地過城百尺高

羅城一百廿里長東藩恃此作金湯葛基更展三千里莫
剩西門一樹樟

蘇州刺史新令好不用西山取石勞拆得鳳山楊漣塔南
城不日似雲高

南城不日似雲高城脚愁侵八月濤射得潮頭向西去錢
土鐵箭泰山半

攻城不怕齊神武土壁堪支百萬兵不是南朝誇玉壁關
西南子是長城

江西饒歌二章

陳友諒起兵殺倪蠻子據龍興辨章阿里温沙公憲
倉察倭公合兵破之龍興始平江右諸郡無不欵附
至此而武功成作龍興平

繫龍興藩西江二版章國駭麗江有砥柱胡為鴻流降勦

蠻如元惡賊內訌三台映太極國士俱無雙王旅嘆之鉅
鼓擬天威震赫羣先懼八郡望風咸來降武功既成世從
從 聖人南面敷萬邦 右龍興甲十五句

龍興臨日憲史劉夔懷印埋土中土生瑞木一本察
假被命為愈憲丞購印於瑞木下掘得印來歸假得
印施諸移文遂成恢復功為銀章徭

維白金有章維國之光元鼎既峙翁元化以張大治范金
吐景耀鉅蟠端細龜鸞翥鳳翔官巨寶司之相我皇網孰
至且藏啓發禎祥標繫係政柄繫德是將符節允合人文
昌蕩攘先禎時乃康異國咸休萬年膺天慶

用韻復雲松老人華陽巾歌

君不見獬豸不識字高柱削鉞聖白簡孰辨賢不賢又不
鷄鷄倘尚武高屋壓虎脊五兵不理長酣眠鉞崖老狂者
強項如董宣小巾製子夏正安江東傳人間緹紫擅已訖
風中蠅脫巾澆酒東籬遙吳淞老楊來賀我倒冠共醉春
風前我歌此歌君拍手東壺西閣開洞天洞天之窟為我
雙回旋

次韻省郎蔡孝文觀潮長歌錄呈吳興二守雲間先生
雙海鳳跳天吳八月十八觀天下無蓬婆之山突兀眼前
見有如祖龍萬鋒來東驅婆留一箭氣相敵強弩不用三
千夫雲蜃成樓不可軒大鉞搖談誰能屠招潮小兒不畏
死雨螿崩浪心何粗搏桑爛若木枯羊豕古憤無時蘇東

維子驚相呼長風破浪未歸去一葉欲事寰瀛圖馮誰之
一疋素中有萬里河漢乘吾樽

題清閔堂雪蕉圖

洛陽城中雪冥冥：袁家竹屋如筭篁老人偃卧木偶形不
知太守來扣局輞川畫得洛陽亭十載好事圖方屏寒林
脫葉風寥冷胡見為此芭蕉青花房倒扣玉胆餅監華亂
點青鸞翎階前老石如禿丁銀瘤玉瘦魴星：嗚呼妙筆
土石丞陽霜不殺譏麟經石丞執政身形庭變理無乃迷
天刑胡笳一聲吹羯腥血漉劫草啼精靈嗚呼爾身如蕉
不如棠凝碧池上先秋零

大樹歌為馮淵如賦

東柯溪頭三大樹水深土厚厓石牢一株石茶餐冬蕩紅
若火鏡鎔冰濤雨株老檜挺霜幹青如蓮弁翹雙鬢不知
人間富貴植青紫豈亡木卒紛如毛漢家根株歷千歲富
時大將誇人豪只今子孫伏大義味始尚薄巾車勞三槐
風雲慶有待 荆湯火死已逃金鴉倒立海底景白鳳夜
鯨風中膏蟠枯骨露黑石虎奇幹手接蒼山條急氣西起
白日翳恍惚大將排旌旄東柯濟時具豈無兵冢文武韜
摩娑大樹日酣卧不肯即為從隸素始知后皇受命乞獨
正神明扶植冰霜操我來飲我山中醪脫巾掛樹三花高
大槐太守夢楚國大海美人踏漢鼻大榭老雄待我酒長
第亦即金絲槽醉歌寫入嘉樹傳切比橋頌騷人騷

辭

桂軒辭有序

桂生於秋依於巖蓋隱之花也故小山之招者托為
代之誇却林美燕山者非桂本志也包陽有桂軒者
為馮君無聊之所築馮君有問學且有志于當世而
不屑於仕進今老矣遂築是軒之所將以終隱云夫
古之君子不必以仕為賢亦不必以不仕為高仕而
不得行其志之為患耳仕而不得行其志豈非時之
弗遇則材之弗良也方今

明天子在上側席求人如不及馮君幸生逢其時其材入
非可以無用于世者方且揣為深藏遠遁分與小山
之招者同羣焉蓋與夫代之夸却林美燕山之為榮
者異日道也使彼揚露林竊一名以自矜夫人不
足不致中結而貽故林之羞則不正者聞其風亦可
少媿矣嘻桂之軒人得有也而有馮君者之不媿
於桂則少矣是則馮君之才號實世教之所係也因
其友程生之請為作桂軒辭一章其辭曰

桂樹叢生兮軒之陽沐雨露兮含風霜王孫不歸兮春草
歇而不芳軒中之人兮壽而康折瓊枝以為佩兮食金粟
以為糧軒中之樂兮樂無央

桂樹叢生兮軒之陰虬龍盤拏兮狡狴笑吟王孫不歸兮
實勞我心

送史才叟還上饒吏代馮元贈

一門三相兩封王見說郎美文章收拾長才青眼是黃堂
柏府槐廳朝暮直披玉雪倚冰霜靈山懷玉鬱蒼々古城
隍帶仙房瑤草紫芝隨處發天香盡道如今千外好

金縷唱錦帆張

調

雙飛燕調

十月六日雲窩主者設燕于清香亭傾危者東平王
無瑕張氏也酒半張氏乞予樂章為賦雙飛燕調俾
度腔行酒以佐主賓之歡

玉無瑕春無價清歌一曲倒齒伶牙斜簪鬢髻花繁映凌

波機玉手琵琶彈初罷怎教他流落天涯抱來帳下整園
弟子學士人家

雜大

陣圖新語敘

孫子論兵謂廟算者勝無算者不勝且敗又謂善守者藏
於九地之下善攻者動于九天之上此全勝道也余猶怪
今之主兵者類皆無算之兵攻者直撞守者急退耳比之
曰舍傳兒三進三退不翅也余觀奉先趙信好著陣圖新
語得軒轅氏屈機之法而深中今日主兵者之獎信嘗從
余遊於睦州抱文武才略而未過知己者江浙樞府曾官
授其入言不聽則棄官去耶律氏有禮羅其人計不用亦

拂衣行余號知己而余在澤雖奇其才而無所以用近聞
中兵痛懲主兵之弊旁求天下之善兵其者有以信姓氏
達荐書者而信勿應信與余乃居草堂看古莫耶譚環水
青黃虬人莫識其胸中也予令其同遊者張憲上其圖於
淮吳幕府幕府若詢曰汝師東維子曾上皇帝書准吳府
聘而未起何如憲其對曰欲招東維子請從信始

鬻茶夢

缺龍道人卧石床二更月微明及紙帳梅影亦及半自雀
孤立不鳴命小童重汲白蓮泉燃橘湘竹授以凌霄芽為
飲供道人及游心太虛難：涼：若鴻蒙若皇范會人地
之未出通陰陽之若止恍若勿知入夢遊坐于青圓銀輝

之堂：上香雲連拂地中著紫桂榻綠涼几有太初易一
集：內悉呈斗文煥燁燿燿含流玉錯莫辨艾畫若烟雲
日月交麗乎青天歎玉露涼日冷香冰入齒者易刻因作
太虛吟吟曰道無形兮兆無聲妙天心兮一以真百家斯
融太乙以清歌已先聽起林未漱華氣郁：而泥霏絢爛淫
艷迺有危綠衣若仙乎者從容來謁云名淡香小字綠華
乃奉天元杯酌太清神明之髓以壽余僧以辭曰心不形
神以行無而為萬化清壽畢紆徐而退復令小玉環侍筆
續遂書歌道之曰道可受兮不可以傳天不刑兮四時以
言妙乎天兮天之先天之先兮復何仙移間白雲微鎖綠
衣花烟月天明余內困余亦誤矣遂冥神合玄目光高隱

於梅花間也小雲呼曰凌霄芽熟矣

四十五日約

溪志有曰冬事既入婦人紡績女子所得日四十五何為日四十五一月三十日三十之夜分不息是一月之中恒得十五日也故四十五余觀古幽民男於宵索綯女於宵紡績則郊男女皆得日四十五者也嘻豈惟郊民哉宣王之庭燎日夜何如其夜未央夜何如其夜向晨則王者勤政亦繼燎于夜也豈惟宣王哉姬公聖履於忠則曰坐以待旦孔父至聖勤于學則曰吾嘗終夜不寢見古之聖賢未嘗不執賂于四十五日也錢唐諸生有以年過冠室而失師承者及其直督師反也遂有失時之嘆而不知力扶

補人之功效為作四十五日約以策其力而陳其功日讀其經若干卷寫其書若干板夜讀其史若干卷評其史若干件者其文若干道朔望講其文義若干件遵要束為餘力者有履遵要束而力不及者有讓云

毘陵行

孟冬四將發勾吳驛弓誓落隻虎頰智謀無過史萬葉嫖姚無如李金吾前弟已作破竹及三覆乃裏含沙祖常山長蛇一斷尾即墨怒枯齊轟躡玉蓋孤軍呼庚癸皂鴉萬甲迷糝糊江南長板江北無蒲半一吼千鯨呼赤杠卓入鉄甕戶鉄翅橫截丹陽湖擗虛之策不出此赤子可縛生於菟當時上將陷江都至今莫贖千金軀後來飛將慎勿

陳襄王城頭啼白鳥如何臨期易將犯兵器何必不讀孫
吳書烏乎臨期易將犯兵器何必不讀孫吳書

題子昂五花馬圖

趙公馬癖如鄧公曾騎賜馬真龍驄
漚波亭上風日靜惹像天廡
圖真龍烏雲滿身雲滿足紫焰珠光奪雙日
九花風細虬欲飛五色波清錦初浴
祇今質骨黃金台圖家養牧皆驚材
將軍臨陣托生死昭陵石馬空遺哀
此圖年深神亦化後來何人誇筆亞
不見真龍空見畫猶得千金索高價

題謝氏一勺軒

一勺水不滿斗我吸之勺在手
上連天津尾下泄海焦口
主人飲小池鑿吾郭青天納
瀟音銑屋道人題之曰有人悟此
環雲夢吞八九

東維子文集卷之三十一

附錄

琅玕子來詩六絕句

李杜文章萬丈光並驅今見會稽楊幾時過我華陽洞
鐵笛一聲吹鳳凰

白曲山中張外史與君湖海結詩盟可憐遺劍隨長夜今
日誰同並世名

義熙處士歸來蚤千古高風今尚存夫子風期正相似東
山花下醉清尊

問奇未到楊雄宅羽馭飄車總不靈會向山陰具舟楫載
將青酒過華亭

程公蕭散七不堪彭澤歸來雪滿簪見說枋頭無負葉董
狐太史在江南

草罷玄經不羨新萬言書已上楓宸新詩題遍琅玕所亦
念丹丘有羽人

學生徐國次韻

新詩隨手寫銀光遠寄江南缺史楊自說蕭郎善吹笛不
知孰學騷驚風

徐國又次四絕

一溪流水碧桃花云是茅山道士家我欲相從問丹訣赤
城五色茹朝霞

道人曉起天鼓罷石盆換水種葛楊詩成寫滿白羅紙春

江人來能寄將

不向玉門曳我裾秋風江上釣鱸魚仙官乞與青紫杖夜
照龜文綠字書

鷺湖：上琅玕所渾似浣花溪上庄風前起舞鐵如意雙
鶴飛來秋滿床

學生吳教次韻四絕

三茅兄弟葛遊處萬箇琅玕隱者家雲氣團空圓蓋似丹
光井出赤于霞

與君別來十日強日日憶爾鳳山陽霜林猶子大如斗書
尾須君遠寄將

雪色吳綾裁道裙鵝黃美酒換金魚詩成連過沈東老不

惜榴皮醉後書
南溟津頭買野航
鴛湖便是灑西庄
琅玕主者雅好客
應遣麻姑掃石床

羽儀和韻

蠟色濟笈寫奇詩
玉壺冰鑑識容儀
法言願卒諸生業
家學深慚帝者師
江月夜涼聞鏡笛
海雲秋靜捲朱旗
文章絕似相如筆
好為題詩諭遠夷

玄霜子作

衛人苦寒不可出
焚香白晝高齋眠
繁華過看不足惜
造物戲人真可憐
何如適興飲美酒
未信服藥能長年
人生天地一逆旅
流光瞬息難留連

魯陰鏡介

錢王城亂山青
惟有江聲繞驛亭
萬姓瘡痍勞撫字
諸侯風化在儀刑
園棋別墅花連屋
覓句芳池草滿亭
汀崖是東南待君久
翮五馬不須停

淮海秦約 宛上陳蕭賦

東南帝者之所都
山川龍鳳相縈紆
離宮別館三百區
紫金鬱今有無
府中逶迤謝太守
少年玉節黃金符
民食在藁藜
在壺飢餓滿
渴飲歌吟嗚
羊車細馬左右趨
使君歸來香滿途

鉄鷄子一解

鉄屋先生作黃將軍歌
殆絕唱也絕唱不可和
門生

徐固賦鉄鷄子一解先生讀之曰可續吾貂借書于卷
鉄鷄飛乾猿披鉄鷄鳴收犢平鷄栖在長城長城鎮南國
渴飲長城水飢食長城粟解身不敢觸銳鋒不敢蹴毒蟒
何來吹黑風南國長城一朝覆鉄鷄怒裂臂毒蟒折骨死
朝食毒蟒心暮食毒莽髓嗚呼食蟒之隨心始已東海大
鮑街宿軀

華陽巾歌

鉄屋老仙冠華陽巾制作奇古喜而為之歌

鉄屋頭骨如鉄堅高冠不肯著進賢華陽新巾制作古倒
垂一幅披兩肩醉來箕踞松下眠白眼不受天子宣自
稱臣是詩中仙掉頭來風頂忽露熱角得兩人爭傳有時

錦袍淋墨澆在甃冷看兜鍪帶血汚貂蟬賦歸來占叢竹
下索笑長岸梅花邊狂歌擊節自有鉄如意何須白羽指
使三軍前老夫緇撮上戴天與不老仙相周旋

學生徐章次華陽巾歌

鉄史文章金石堅鉄史法書草聖賢談遷文子未可緝筆
削竊頭直筆當齊肩草玄亭上枕書眠不貴世間玉堂供
奉之皇宣世人識不識盡呼鉄笛仙烏紗新製華陽傳七
客勝翩冠似蟬或攜妓東山下或駕大舫西湖邊百年三
萬六千日日玉山醉倒春風前不知宦書在青天黃麻
一道昨夜天東旋

學生謝思順賦

黑鉄龍氣如虎光如虹黃金意氣結國士白踐台上長城
公黑鉄龍心推誓為國掃煙塵空長城何龜、砥柱東南
維龍方龍方長城歸飢推食方解寒衣日月龍遠長城飛
光抱日月睽清輝維南有猫琥最怒夜冗長城翻赤土龍
方食猫如食豚維東有犢犢以犇日觸長城噓大雲龍方
食犢如食豚育老鳥啄人屋賣我長城殲我屬烏乎長城
覆不可復黑鉄龍誓三為長城滅仇族玉笥山為我樹長
城碑鑑湖水為我洗長城恥直欲聞之聖天子會稽先生
楊鉄史

跋忠勇西夏侯邁公墓銘

跋曰春秋引天下之譽褒之賢者不敢私引天下之義貶

之奸人不敢亂余讀鉄史邁古里思傳信民之以為賢、
之民以為奸、之此鉄史之春秋也臺憲者天子之法臣
也法臣不立法而鉄史立之嗚呼歸矣至正乙亥秋程文
謹識

跋東維子集後

余嘗結廬城南日與柳風梧月竹韻松濤
擊為良友陶然長嘯若不知有人聞者雅
好吟咏尤嗜袁景文詩業已刻而新之矣
而楊廉夫又羨景文白燕諸作自以為不
及今讀其集博極羣書自成一家言想不
在袁下第篇章零脫未鏡其全誠竊恨之
辱承太冲袁老素號藏書工于製作一言
相慨然見投慰我夢寐如獲珍寶維汗雨
淫々不妨校勘益清時暇日與先輩表揚
風雅自是樂事遂忘其勞也雖然搗辭吐

426

12

6

